

寫經樓金石目未刻本上

舊封面間有己刻字樣情未見傳本
書中有臨臨唐碑跋油紙官本已別存矣




此冊為錢梅溪先生一生臨錄各體書之
目自題前後計六冊外所見分為十六本編次亦
不一律疑未定之稿也卷中多梅翁及字及明
翁大年一印及校後一條梅翁於書道開方極情
門臺志搏心液登大卷至有三人慨慕者出
其亦遺以匡為補一月歲之丙辰十月十九夕錄

此書錢學石先生曾見，兄曝書齋記上表，己丑九月十七夕錄記

寫經樓金石目 前後計六冊

校
卷



寫經樓金石目

仿造乾甯錢券

銅尺

銅規

小金條

小銅碑

銅如意

銅鈎

帳燈

銅壁

塗金銀印

重摹秦碣石門刻石

重摹秦會稽山刻石

重摹漢熹平石經殘字

重摹熹平石經書論石殘碑

重摹熹平石經論石殘碑

周石鼓文拓本

秦刻石拓本五種

澤山刻石

泰山刻石

琅琊刻石

碣石門刻石

會稽刻石

漢熹平石經殘碑拓本

大學古本石刻

鄒有道碑文

陳仲弓碑文

補刻曹娥碑

重刻漢太尉楊伯起碑

漢武氏石室書像後記

蘭亭第一刻 模定武本

第二刻 模獨孤長老本

第三刻 自臨定武本

第四刻 慈伯祐本

第五刻 唐人進鈔本

第六刻 源州馮氏本

仿本漢碑

三公山碑 太室石闕銘 少室石闕銘

北海相景君碑 武氏石闕銘 楊君石山次

里石山次碑 李壹初神祠碑 孔謙碣

孔君碑 魯相謁孔廟殘碑 孔三碑

武榮碑 鄭固碑 蔡邕廟碑

孔宙碑 史晨碑 快壽碑

廣公房碑 衡方碑 史晨石碑

西狹次 孔彰碑 郝劄次

楊滄表記 魯峻碑 孔奩碑

耿勳碑 韓仁銘 李度銘

尹宙碑 校友碑 白石村尺碑

曹全碑 汝遷碑 樊敏碑

孔叡碑 范式碑 吳祥園山碑

谷朗碑 見存之碑計四種

石行殘字 圍合劫尺碑 吳山碑

夏承碑 婁壽碑 咸陽字志碑

滄敏碑 劉熊碑 柳敏碑

滄源廟碑 已佚之碑計十種

東海廟碑 高彰碑 快平子碑

吳升識碑 補刻之碑計四種

郭有道碑 陸仲子碑 楊太尉碑

曹娥碑 魏刻之碑計の行

縮中唐碑

觀音寺碣 弘治府志碑 寶宮寺鐘銘

昭仁寺碑 蓮華寺塔銘 醴泉銘

沙南王之銘 皇南府君碑 文安縣志銘

帝東扁 聖教序 聖教序

博塔銘 道因法師碑 李長卷銘

日徽君之授銘 果府君銘 廐府君銘

香冥月銘 石室詩 高皇后銘

高廷貴銘 李均進條 李少羽進條

姚元之進條 姚元宗進條 附 蘇宅才進條

李万進條 邱月銘 孟再崇進條

殷孝師盤名 第五口盤名 李國以盤名

莫士陸盤名 郭中亭盤名 李仲為盤名

孫慶等盤名 李煥盤名 吳文盤名

系類盤名

盧正通勒 口初將軍功任記 片疏碑

葉所月銘 景龍觀鐘銘 郭孝子銘

石浮圖次 史公石亭銘 契聖府君碑

少林寺戒壇銘 成武祥師塔銘 贊寧氏銘

贊林觀聖記 伏九廟碑 李公石浮圖銘

柳史之碑 淨業法師塔銘 楊氏志銘

鄒園寺碑 述聖碑 化壽山碑

思恒律師志 諱成石志 雲片寺浮屠銘

于以善銘 鄒府君銘 少林寺碑

法澄塔銘 敬節法師銘 化聖碑

法九銘 大智禪師銘 法府君銘

介長躬誠 敬修次 鄒府君銘

永雨記 金符多次 嵩岳現次

石音考序 法府君銘 雲運禪師銘

古井記 多官塔碑 別以善銘

東方表替記 法以善銘 淨克官塔次

女善表文 鄒以善碑 王以善銘

義疏禪師銘 鄒夫人誌 神悅收碑

顏和志遠志次 麻水仙壇記 中興次

印光禪師銘 八園香記 元月善碑

黃石以和碑銘 沈氏述祖誌 干福字書

竹山述次 女願律師銘 元請克生碑

法合曉告 顏天廟碑 晉以日書告

三藏和方碑 朱巨以告 韋妃銘

吳嶽初志記 法敬說銘 許昌初志碑

嵩山戒壇記 雲慶以初次 楚金禪師碑

樊氏志 武侯初志碑 鄒府君碑

王日增贊 李鞠元誌 南海神廟碑

法溪詩

印園石印錄

西平野史碑

鄂舟卷錄

吳達卷錄

吳志初卷錄

別卷卷錄

新三山記

主秘塔碑

古碑告

乞支人錄

河南府君錄

古碑碑

宋支人錄

王元卷錄

程侯公錄

吳侯公身

寧州收錄

別邊記錄

傳武亦之卷

廟只石刻一

孝行

二 治身

三 大學

四 中庸

寺刻好道應書錄

寺刻書譜釋文

臨陰唐希賢書今長教誡

韓昌黎書法中述行及石刻

寺書今泉亭記

寺書卷之七初布記

唐元宗令七教誡碑

寫又孟細安碑

唐懷長史竹書石刻

陳毅危山本多寶塔碑

補刻古軍十七世勅字

滿亭某級銘

才刻大成宮醮文銘

成親王書道佳什七楷四卷

成親王書道子孫不刻

論考考以度本古書合刻

陶淵明詩刻

文待詔席邱詩刻

唐石文批衣卷詩刻

後宋華州本詩刻

成邸錢行詩刻

日知錄中必詩刻

楊如龍詩刻

倪于林詩刻

震山興禱寺八律不刻

初慈卷詩刻

遊狼山詩刻

席邱西山詩刻

周初房中詩聖詩刻

徐少人五十歲六宗慧

翻本先王心像不刻

自刻古室七像

自刻心像詩刻

報春亭詩刻

海園人書刻

吳年故亦以石刻

李曼道亦竹石刻

嚴定之亦竹石刻

吳仲圭亦竹石刻

王孟端亦竹石刻

史履亨梅衣石刻

覺學古亦竹石刻

盛唐古亦竹石刻

朱文公信

郭忠恕

楊文義兵規條

好戈達理木石刻

沈懷素亦竹石刻

急山亦竹石刻

鐵春園碑一

二

金塔園碑

雲巖廟碑條

吳年園碑以吳二字而中竹石刻

道佳亦竹石刻

心經石刻

以神宗賜字之山成行是勅

李德恭刻歷代

新嘉坡刻之字石刻

梵王佛三字石刻

琉球國人竹木石刻

大禹陵廟碑

文修碑漢之石碑

吳泰伯墓碑

黃州平哲墓碑

黃州後聖石之墓碑

黃州香榭子井石碣

文裕王墓系碑

廣陵郡之墓系碑

出城王墓前碑

榮國公墓碑

咸寧郡之墓碑

忠肅公墓碑

鄭周公墓碑

忠靖公墓碑

元叔處士傅天墓表

楚文敏公墓石碣

元加山文成石碣

祝枝山加石碣

号行钱石碣

朱嗣共人石碣

易生石碣

少嘉石碣

健嘉石碣

清加石碣

此文似在时作信稱收作原此并有春
匡章新能托名也

寿嘉石碣

红美佳石碣

祖牯王太信人石碣

桂山石碣

来山石碣

嘴山石碣

钱府君碑

李芥行石碣

新调石碣

清霞石碣

卷一 大学古本

致陀寺碑

与舍籍石碣

卷二 赤壁石

卷三 比秀山石

洞度春笔石 中山石碣

卷四 论候太信祠之表 以大军家寒竹 论其庭序

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

卷之三行 卷之三行 卷之三行

北山陵秋興公言

表の 宋名臣六行 李肩山詩

集表一 永刻湯伝 石岡銘 秘雲運詩

表二 雲帖 日帖 揚州雜詠

重宝口祝詩 擬七三三

表三 以朱石帖 白香山庭山村木記

表の 碧尔雨帖記 与秘寺壁札 与思元主人札

与錢按掌札 与錢柳雲札

表の 中葉帖の表

表一 内景原 心行

表二 以錢太傳 真庭原 表方字類

鴨沼本帖 唐木碑 魯以口為老

獅子帖

表三 以把堂 過春後 雲帖

頭陀寺碑 千字文 白雲房帖

表の 以十三行 彈琴詩 古詩

月午 度寺 裁酒詩

中葉抄歌

在園歌

の并本歌

表の初記

表の初記

表忠祀碑記

表忠祀碑

信興府學宮碑記

郭春山先生初志記

浦氏初志記

北禪寺碑記

新建陳氏宮廟碑

鄧都儒學宮碑記

分中祀王廟碑記

陳氏宮廟碑記

陸江府後碑記

園元孝墓記

延少仰止軒記

海分鎮海寺山場記

阮氏文選樓記

東回廊文昌宮碑記

常昭如外學宮碑記

潘琴河碑記

會稽郡之墓記

廣郵陳氏宮廟記

青藤書石記

近仁宮記

黃岡樓書你辨正記

西長橋碑記

歸谷卷記

文修區信亭記

新建縣高士祠碑

近仁宮記

無德菴記

王士毅碑

宋英王碑

惲翰銘志

汪勉銘志

吳蔚元志銘

陶仲濟志銘

沈雲揚志銘

沈達志銘

胡桂麟志銘

畢景伊志銘

胡月按志銘

歸景徽志銘

施銀志銘

吳文濬志銘

錢樞志銘

陳後逸志銘

陳鋒志銘

徐君階志銘

許君乃志銘

馮宗者志

史正華志

余訓亭志

沈雲揚志

湯聖錫志

許文如母志

袁氏卓行碑

屈而婦初碑

己節孝傳

趙官人神誌

陳夫人搭屋志

蔡夫人志

席君壽陳氏志

內子再出人據志

高陵野志

飛來亭志

水堂祠志

音志亭志

羊石山記名

雲石山記名

興福寺記名

黃石山記名

素志院石記名

山行記名

卷一 樂教記

陽政及行禮二帖

達以帖

大軍臨詔昌亮帖

致和書卷之二帖

中秋帖

卷二

快心對身

快合晚身

希聖合長補碑

卷三

崇善祥院碑

竹度祥院碑記

宣中討

忠誠子手簡

宋徽宗十八景七指引

高宗賜岳正帖

卷四 蔡君謨素

神律手簡

吳小圃手簡

秦觀手簡

吳石湖手簡

快槍寒再卷所

宋小成討帖

秦房手簡

卷五 蘇軾四歌

卷六 蘇軾五帖

蘭亭跋

通內呈教帖

優叔房琴

買甲帖

三小帖

蘇過手簡

卷七 山谷水滸樓飯

伏波神初討

卷八 元平太宗御書

與伯修帖

紹興御刻二帖

忠相息復二帖

研山歌

卷九 松雪千文 与楚塘札

卷十 松雪唐詩 書李太白詩

卷十一 唐吳山詩 揭侯取手簡 雲仙手簡

栢井印初 周伯温詩 友學堂臨蘭亭

王時美詩 饒介之詩 性伯雨詩

中峯和書詩

卷十二 日本入詩 潘休集詩 朝野人書岐山

松雪寫帖 阮球人帖 与彦高書詩

席卯帖の巻

卷一 王右軍快雨帖 与正帖 寒切帖

旦夕帖 詠溪帖 与右親書帖

王右軍三帖 王中令の帖

卷二 殷景文おけ意道七帖 健佐一三

卷三 叶生亦言帖 与傅府宣帖 斗寒帖

吳文忠公次劉春帖 日華堂 九日

卷の 東南宮本朱女文詩

宮内省帖の巻

卷一 魏候太傅書手土表 王右軍草書 王右軍草書

卷二 王右軍妙書七帖 唐王右軍萬世道三帖

卷三 蘭亭書手 祇授蘭亭

卷の 与謬上

卷の 与謬下

卷六 唐人山心經 世尊羊城經 持務子經

金剛經 長壽三品 大般涅槃

阿含經

卷七 宋高僧正遺服經 忠宣子簡 天啟子書

法苑珠林子簡 蘇忠惠子簡 蘇忠惠子簡

蘇文忠子簡 蘇文忠子簡

卷八 宋孔部烏帽杖 宋文子簡 法教子簡

法教子簡 法教子簡 吳仲周子簡

吳石脚子簡

述往者杖笈

卷一 唐昭宣殿 木口書 法苑珠林子簡

卷二 魏晉竹林山經句

卷三 蘇忠惠子簡

卷四 蘇文忠子物亭詩 宋孔部子簡

卷五 宋孔部子簡 元暉子簡 吳季智子簡

送羊氏書子簡

卷六 趙孟頫歸來未初 阿沙不花子稿 趙仲穆子簡

日石高簡詩杖 沈子簡 文信子簡

柳吳子子簡 解于如表詩杖 陸阿瑛子簡

卷七 吳季智子簡 蘇文忠子簡

卷八 吳仲季心經 郭文錫双飲 李林手簡子簡

奉新杖の巻

卷一 義又忠春帖 吳州寺討 烟江疊嶂討

批耳圖跋後

卷二 以卷本討

卷三 夏文節製長引 皇外弟討 未雨宮實筋碑

卷四 游獲款情 奉少年表同帖

卷五 松雪公情文潛送奉少年序 善思雨石溪海月

初必帖的卷

卷一 蔡忠惠自為討稿

卷二 謝御筆款

卷三 春暄帖 曉跋帖 行向帖 語文帖

秋衣帖 克修帖 山中帖

卷四 揮展帖 正初帖 大研帖 後部帖

山房帖 秋君帖

吳興帖八卷

卷一 次軍前初帖 四日帖 地甚帖

奉橋帖 奉先帖 冷熱帖

卷二 大過帖 思熱帖 美歲通玄通帖

卷三 唐刻蘭亭 神奉亭神韻蘭亭

卷四 晉公竹山聯句

卷五 蘇方墨妙亭討 南宮垂中亭討 林全人討

卷六 宣和討 和林公討 將之書後討

卷七 松雪天冠山討

卷一 松雪太師石硯 卷二 赤石山寺塔 卷三 延慶岸用

松雪太師石硯

卷一 松雪太師石硯

卷二 大川祥所塔後

卷三 天刻山塔後

卷四 三山記

卷五 松文階正卷序 竹本千文

卷六 二贊二圖付 松雪時所の言 与子孫付

松雪太師石硯刻云卷

卷一 及野付 松雪武南亭

卷二 松神記 松神射後付

卷三 松柑記 五札

卷四 松度人候筆安記 馬記 霞記

松雪竹記

卷五 松竹 谷仙記

卷六 止香記

松神太師石硯 卷一 壬子月

松神太師石硯 卷二

卷三 松雪太師石硯 卷四 延慶

卷五 石目臺文 隨筆後

卷六 松義後序 畫作中記

寺の手筒の符 照快寺七符

寺の 思由以候三符

寺八 修度少符

寺七 修快寺日序

寺八 修言度宗少頼符

寺の 遠近名記 寺人七符

寺十 升天行 寺太口符

寺十一 開寺三三符 輝由寺記

寺十二 軍元偏 梅衣符

澄能本不刻の者 仙文五墨竹少一幅宗元の人記符

候三山格一符

書文印は石刻不者

修快寺少松の者 修保少

松本不告刻不者 同升桓少

契寺少内修保碑十不者

寺一 三下山碑 太字石廟 御手平郎名

景天碑 武氏石廟 石門改

寺二 石不寺史 寺三三初 礼徳

礼君碑 礼言 御三上

寺三 御三上 武崇 野園

老故廟 礼宙上

寺の 礼宙下 舞山

集卷一 失后修禪 映壽 衡方

卷二 失后 夏山

卷三 而獲歌 孔彰 郝剛歌

卷四 成昌雪々 楊海 善峻

集卷一 曲井東南 孔亮 耽勉

卷五

卷二 稀仁 嵩方石廟 尸宿

松友

卷三 知元正 白石升天 夢令

卷四 朱龜 快遷

集卷一 進敏 園令祐天

卷二 契致 成仙著 西門豹

卷三 別遊 孔義 上尋孫

卷四 交禪 吳武

集卷一 向竹初刻

卷上 景平 石門歌 白石卒史

卷二 神三 孔宿

卷三 武榮 孔彰 善峻

卷四 尸宿 白石神天 快遷

向竹初刻

卷一 善山 贊風 成昌言志

卷二 証母 孝友飲 武初歌

卷一 相意飲

儀飲

快氏儀飲

丙午卯飲

吾男十未至取訂

高壽

園令結呈

朱龜

戚仙著

樊敏

老集小老信取字

卷三

以溪信林仲序

西都賦序

西溪信林

卷四

許慎傳

以涼書

祭儀

廣府王碑

述往不枕中枕山書

卷一

以水軍一書毅

園亭

快雪

大道

索寒

の月

大介書法表

吐道不奉

刺軍

卷二

以正典殿邪

祇阿布書三語

帝氣篇

以候江東信摩信

以若口朱信以書

以博塔信

卷三

以恭王後奉保

詩林

以多故攝飲

詩林

以貢岩札

詩林

以米元三年詩林

卷四

以松雪道往信

以詩林

過奉稿

以柳丹邱上皇宣初

以思而崇志語

學士書の歌を刻の事

卷一

義方十一行

卷二

義方十五行

卷三

義方二十三行

卷四

義方十七行

仿造乾寧鐵券

唐昭宗賜先武肅王鐵券自宋至今世藏台州子孫散處四方不能共覩家寶謹範銅依式倣製存之家祠吾子孫其永寶之嘉慶廿年儒林郎候選布政司經歷三十世孫泳謹志
男曰奇曰祥監造工馮景興

銅尺

尺寸古今不同余嘗製一尺以乾隆六年工部庫校準營造鐵尺為則而以諸古尺附于左右前後一覽無遺今將周制銅劍莖較今尺則五寸一分半以曲阜顏氏所藏周尺較今尺則六寸七分以漢元延尺較今尺則七寸二分以漢建初

尺較今尺則七寸三分半以宋三司布帛尺較今尺則八寸九分半可知尺寸之長短一代長于一代若以今之裁衣尺較之部尺則又盈一寸許矣案隋志列十五尺如劉歆之銅尺建武之銅尺祖冲之銅尺荀令劉恭所造之尺今皆不傳要之考古之精覈總不若尊王之制度也

銅規

余作銅規甚多以之鎮紙最妙陽面圓陰面平渾無稜角陽面俱用嵌金銀絲其款識則列于陰面友人施秋水少府好古士也亦仿余製數十枚以去

小金鐘

高裁尺六寸許口圍圓四寸二分上有蒲牢兩頭一如大鐘式樣銘云道光二年七月癸酉朔旬吳錢泳敬造金鐘一口重三斤八兩五錢春秋二仲用供祭祀子子孫孫其永寶之

小銅碑

碑高二寸許龜趺圭首上有一穿額題無量壽佛之碑六篆字嵌銀為之碑文五行三九字文云嘉慶元年佛弟子錢泳敬造無量壽佛碑上為皇帝下為蒼生又為八旬老母伏願咸臻福壽永錫康寧吉祥如意者計五行四十五字其後有碑陰二字此制昉自六朝梁隋間尤多亦造像之意也

銅如意

如意之制昉自宋宣和鬻古之家尚有見者如明胡文明所製搃不離乎俗工不足珍也嘉慶元年余在揚州遇一工姓馮氏金陵人頗能造作銅器遂自出一新樣俾其製造每柄

長一尺五寸、初造六十四柄、取六十四卦編號、又造二十八柄、取二十八宿編號、又造二十二柄、取天干地支編號、先後計造一百十有四柄、散於好古之家、上有銘文、皆嵌銀絲、其書類西漢銅器款識、見者莫不歎為妙絕也、其文云、

大吉祥樂未央、益壽考宜文章、子孫其昌、嘉慶元年春、句吳錢氏造、計廿六字、

銅鈎

古銅帶鈎、近時尚有傳者、要皆是漢魏之物、故博古圖屢載之、余仿其式、造百餘條、正面嵌以金銀絲、其後則取吉祥語、宛如漢魏之制、有八字者曰延年益壽富貴吉祥、長宜君官

位至公侯、益壽延年、長宜子孫、百年如意、九州泰平、四時吉祥、一家歡喜、六字者曰大富貴宜子孫、大吉祥樂無極、有萬意宜富貴、富貴昌宜侯王、四字者曰延年益壽富貴昌宜長生、未央、千祿無量、長樂未央、億年無疆、壽考無疆、祝無量壽、長毋相忘、壽富康寧、鹿甲天下、長生無極、富貴吉祥、皆大歡喜之類、

蟾燈

仿漢鴈足鐙之制、下坐一蟾、中列鐙檠、四圍刻銘文及年月、上復有一小座、點燈插燭、俱便、此制前人鮮有為之者、即命之曰蟾鐙、銘曰、

采金之英得月之精光照萬靈天下文明嘉慶元年句吳錢
立羣仿宋宣和造

銅璧

自古圭璧璋璜俱用玉至秦漢則漸易其制度間亦有用銅
者如漢書霍光傳銅璧文言師古曰銅璧以銅為之是也余
倣其意作銅璧大小^{數十}枚兩面有雲雷紋俱列款識年月亦
書銘于上佩^{衣帶間}較玉者尤精絕也

塗金銀印

余製一小印以銀為之塗以黃金高三分濶二分作白文立
羣二字其鑲徑一寸八分可以帶于臂上亦倣古人臂印之

制也

Large, faint watermark or seal in the center of the spread, possibly reading '東洋' (Toyo) or similar characters.

Small square seal or stamp located in the lower-left corner of the right page, containing illegible characters.

重模秦碣石門刻石

秦刻石文見史記者凡七所而嶧山之辭不載焉其原刻之
廛存惟琅邪臺一石然亦惟有二世文數十字若泰山二十
九字近又為野火所燎不可得矣宋初徐鼎臣嘗得嶧山刻
石重模以補史公之闕鄭文寶刻之今西安府學所立者是
也元至正間申屠致遠復得會稽刻石重模今紹興府學所
立者是也其餘則無聞焉嘉慶甲戌冬紹蘭 陛見南還金
匱錢君泳風雅士也不期而會於秦郵自我不見于今廿年
蕭寺探竒蓬窓道古蓋逢故人如讀異書焉風雪中出碣石
門刻石見示知為騎省奉勅臨摹取本紀校之不特紀中文

字顛倒韻句舛謬而是本尚多三十字足徵史記之脫簡洵與所模嶧山同有功於龍門遂屬錢君模石舉至焦山雖非丞相斯尚有典型不須兄事膺鼎竟當弟畜鶴銘耳兵部侍郎兼都察院右副都御史巡撫福建等處地方提督軍務蕭山王紹蘭記

秦碣石門刻石是予弟子孔昭孔從徐騎省墨蹟雙鈎予得之以為奇寶實可證司馬氏之謔中丞王公命予撫勒焦山竝有考據甚詳真藝林勝事也案碣石之名始見於禹貢史記始皇本紀及封禪書凡數見而索隱正義諸家注俱未詳言其處惟漢書地理志師古注云在右北平驪城縣西南莽

曰揭石又云武帝嘗登之以望巨海其地有石如甬道數十里當山頂大石如柱立於巨海之中韋昭亦指此為碣石魏武有詩云東臨碣石以觀滄海即此其遺址當在今直隸永平府昌黎縣境也又案史記秦二世元年春東行郡縣李斯從到碣石並海南至會稽而盡刻始皇帝所立刻石旁今觀泰山嶧山琅邪臺諸刻俱有二世之文一字無異惟此金石刻作今刻石與諸碑微有不同附記於此嘉慶廿年九月金匱錢泳書

重模秦會稽山刻石

秦會稽刻石諸書記載俱云在秦望山宋時已不可得元至正初推官申屠駟曾以舊本重撫與徐鉉繹山碑表裏刻之置諸郡庠說見金齏琳琅及金石林時地考乾隆五十五年余來守是邦訪之惟繹山碑獨存其會稽石刻一面已為石工磨去良可惜也因檢申屠氏本屬金匱錢君泳雙鈞勒於原石仍還舊觀以與好古家共之後二年閏四月朔知紹興府事鐵嶺李亨特記

曉園郡伯重撫此本神骨蒼然如姚令威逢採藥人時也壬子秋七月望北平翁方綱識

按秦會稽石刻在秦望山一云在鷺鼻山一云在何山究莫
知所在莫子齊詩序云碑凡二百九十六字今以撫本驗之
則二百八十八字而已且既云石已缺字不可見又不知子
齊何所據而云然也索隱正義二家所引證碑中諸字非一
而小司馬又引張徽所錄會稽南山碑文則當日所見想亦
非一本矣元至正初紹興路推官申屠駟曾以家藏舊本摹
勒于會稽郡庠之稽古閣與徐鉉所撫繹山碑表裏刻之其
事見金龜琳琅乾隆壬子春日余客紹興府李太守曉園幕
中與修郡志暇時往郡庠徧訪不得越數日又與府教授俞
君姓謁崇聖祠乃于祠門外見繹山碑刻為大驚喜則知此

石竟于康熙間為石工磨去又刻別碑可惜也因告之太守
復將原石再磨仍刻此文而又得錢唐趙晉齋氏所藏申屠
駟本叅校為重臨勒之雖不能如徐鉉鄭文寶諸家然較申
屠駟所撫者似有過之無不及也嘉慶三年夏六月十日書
時寓福慧庵之蓮花域錢泳記

重模漢熹平石經殘字

乾隆五十年丙戌余館于吳門陸端夫上舍家七月初二日
天氣新涼偶步至元妙觀前見書肆中有明刻管子十五卷
批點甚精卷首有徐樹丕名印乃購以歸次日披閱書中有
零星片帑皆漢隸雙鉤再三尋繹知是熹平石經殘字喜不
自勝因取洪景伯隸釋考之皆與符合凡得尚書洪範篇七
十八字君奭篇十一字魯詩魏風七十三字唐風三十一字
儀禮大射儀三十七字聘禮二十八字公羊隱公四年傳十
八字論語微子篇百七十字堯曰篇三十九字又盍毛包周
有無不同之說及博士左立姓名十八字合五百餘字課徒

之暇親自刻石三月始成遂搨三百餘本寄張芭堂陸貫夫諸君從此流傳海內後北平翁閣學方綱摹石於南昌學宮長白李太守亨特模石于紹興學宮而如臯姜氏吳門劉氏亦有模本皆從余家所刻本再模者也按徐樹丕字武子長洲人少補諸生姚希孟器重之妻以女善楷書兼工八分國變後隱匿不出自號墻東老人康熙初尚存此本或其所藏耶

乾隆五十一年臘月七日因遊靈巖座中梅里錢君以所摹漢石經見示同金陵張復純婁東沈景舒觀于金閭舟中錢唐袁枚題

熹平石經在唐宋時已不可多得况今日乎近惟見北平翁氏模本百餘字耳錢君此刻淳古渾厚猶不失中郎面目洵希世珍也袁枚又題

右經榘谿居士以雙鈎本刻石兼以故帑搨之幾于虎賁中郎之似矣春時見黃小松漢石經殘字共一百二十七已校蓬萊閣本多一二字今又見此真經笥中之秘寶也丁未日長至前一日卷施居士洪亮吉題

予訪求漢石經者有年一鱗片爪邈不可得觀錢君所模令人發尚有典刑之歎斯亦足以侑雄于吾黨間矣為斂手而題其後彭紹升

熹平石經洪文惠石熙明先後摹刻今未得同審也。楮溪先生此刻頓還舊觀而同時復有會稽本吳門劉氏縮本并吾家小蓬萊閣本今並凡研翫竟讓此本之妙。家君所以每稱歎不置者也。大興翁樹培識。

重模熹平石經尚書論語殘碑

右石經殘碑三段尚書盤庚篇三十字論語為政篇六十四字堯曰篇三十二字此本為錢塘黃小松司馬得于京師董大理元鏡家相傳即孫退谷硯山齋所藏本也。北平翁覃溪先生題識甚詳小松屬余模勒因識於後。錢泳

此三段對易所藏本無微不至真名手也。嘉慶五年閏四月五日梅溪過濟寧漢畫室因記錢塘黃易

重模熹平石經論語殘碑

余既撫石經之後九年八月復於管子中得此蓋論語學而篇之文也。第鈎本星碎以意連屬得三十八字其抑與之與

作意予之與與洪氏所載正同并刻于石質之博雅乾隆五
十有八年十二月朔金匱錢泳識

梅溪又得漢熹平石經論語學而篇五行摹本見寄賦此為
報熹平石經紙撫十錢子得自徐牆東十紙之餘復得一仍
出牆東舊函中舊函灰飛不收拾此紙散落完無從聯翩
蝶勢斷續碎錦巧遇君繙縫昔於論語堯曰篇喜君所得宛
合蹤末幅恰連毛與盍終篇如以商應宮三碑東行講堂峙
十丈想像開陽崇豈知今茲復竒邁篇首字體篇終同意予
抑與證洪釋韻頁板本今古通七十有三行計字萬五千百
都鐫工竟如開章裘挈領越州海綠鄰易襲龍圖晉玉莫於

負黃初孔廟誰爭雄不見錢子甫二載字增七百光熊熊使
其日夜更窮討恐刮造化雕鑿功南昌我昔四石勒小齋亦
託畊石農迴憶研山奔退谷馳書濟上誇小松越州石家碑
目在寥寥墨響蘭渚風孫表左立如可作聯珠合璧交貫虹
已愧訓辭補何晏且漫波策師蔡邕霜空梧月夢錢子虛窓
研影秋銓紅乾隆甲寅秋九月二十日翁方綱

周石鼓文縮本

周岐陽石鼓文為千古樂石之祖自唐宋元明以來考訂音釋不一其家或云是後周時物非也其脫本之最前者莫如明州天一閣范氏所藏阮芸臺宮保嘗模于杭州府學世稱佳本嘉慶廿年夏五月倩錢君梅溪即從阮本縮臨刻成十碣與好古家共之王紹蘭題記

凡十鼓高今工部尺四寸五分圓徑三寸三分其文悉依明州天一閣范氏北宋搨本縮臨之嘉慶廿年五月福建巡撫王南陔先生囑刻錢泳記

秦刻石縮本五種

○ 繹山刻石

此文不載于秦始皇本紀宋端拱初徐騎省鉉嘗得其文而
撫之至淳化四年太常博士鄭文寶刻之長安國子學今江
南之江寧山東之鄒縣浙江之會稽俱有重刻本泳記

○ 泰山刻石

右泰山刻石僅存二世文四行合廿九字岱史所謂秦篆碑
是也明嘉靖間移置碧霞元君廟東廡國朝乾隆戊午歲
廟災碑毀今所傳者惟榻本矣嘉慶二十年夏六月前泰安
令蔣君因培登岱頂又在玉女池中得十字即燼餘也泳記
琅邪臺刻石

琅邪臺刻石今在山東諸城縣惟有二世文十二行可辨按
史記尚有武成侯王離通武侯王貴及五大夫楊樛等十一
人名今石上惟存楊樛一人則始皇刻石文及諸臣名俱失
之矣泳記

○ 碣石門刻石

此碑向無傳者嘉慶十九年二月余弟子孔昭孔見徐鼎臣
墨蹟舊本遂為雙鉤示余實海內希有之寶也中丞王公既
命刻石焦山復為縮本次於諸刻泳記

○ 會稽刻石

會稽刻石據莫子齊詩序云宋時尚在元至正初紹興路推

官中屠駟以舊本重撫于郡學之稽古閣。國朝康熙間為俗工磨去重刻崇聖祠記乾隆五十七年郡太守李公亨特屬余磨去祠記仍刻此碑今置紹興府學尊經閣下泳記乾隆五十二年故相國朱文正公視學浙江歲試紹興府諸生古學以秦刻石命題拔紹蘭通郡第一彼時以始皇不行仁義而徒馳騫海上采藥求仙其從臣立石誦功德皆無足取第就金石之學而論先秦遺文二千餘年以來摩滅于山巖榛莽瀛壖潮汐之中又未嘗不因會稽一石遠緬夫繹山碣石之果泰山東觀琅邪諸刻欲剗剔其苔蘚而不可得也一行作吏事亦竟廢嘉慶十九年冬十一月紹蘭 陛見南

旋遇錢子泳于秦郵偶論金石文字及于秦刻錢子曰繹山之文史記不載宋端拱初徐鼎臣得而撫之淳化四年鄭文寶刻于長安國子學泰山則僅存二世文四行廿九字今燬惟拓本傳琅邪臺在今山東諸城縣亦惟二世文十二行隱隱可辨碣石向無傳本今得有鼎臣墨蹟可撫至于會稽之刻宋時猶在元至正間紹興路推官申屠駟重撫于越庠之稽古閣惟東觀之果兩刻失傳久矣無可據依今欲斷而小之試撫其五而闕其二乎紹蘭曰諾請遂刻焉俾參于周石鼓漢石經之間以存丞相斯篆法而每念文正公二十年前知遇之感輒不禁撫碑而墮淚也後二年春三月蕭山王紹

蘭記

漢熹平石經殘碑縮本

按漢石經刻于熹平四年見後漢書靈帝紀及蔡邕傳其石經之存毀見魏書北齊書周書並隨書經籍志代異時移至唐初片石零星十不存一宋乾道中洪文惠公适嘗以所得尚書魯詩儀禮公羊論語一千九百餘字刻諸會稽蓬萊閣而元時已摩滅不可得矣後洪氏重模者則又有成都胡元質新昌石熙明靖江王府諸本今亦不傳近時惟見錢唐黃君易得舊本一百廿餘字金匱錢君泳得雙鈎五百餘字真為海內至寶今合黃錢兩家本即屬錢君為縮臨而精勒之

每于公退之暇置諸坐隅焚香靜對如入雒陽講堂輒令人發尚有典刑之歎也嘉慶廿年春三月蕭山王紹蘭記

碑高今工部尺九寸七分濶五寸一分凡八碑第一為尚書盤庚洪範君奭第二為魯詩魏風唐風第三為儀禮大射儀聘禮第四為公羊隱公四年傳第五為論語學而為政篇第六為論語微子篇第七為論語堯曰篇並盍毛包周有無不同之說第八刻王中丞小記嘉慶二十年三月中丞屬余縮臨而刻石焉

大學古本石刻

嘉慶五年七月余出都門從潞河歸棹道出濟寧前兵部侍郎都察院右副都御史總督河南山東河道王公秉翰命書刻石

郭有道碑文

今郭林宗墓上有兩碑一傳青主書一鄭谷口書顧南原嘗嘲之所謂以五十步笑百步也乾隆甲寅冬日錢唐趙晉齋文學嘗索余書小字本刻石贈人

陳太邱碑文

蔡中郎嘗言吾與郭有道陳太邱俱無愧辭兩碑今皆不傳

乾隆乙卯春日吾友陳雪樵騎尉索書刻石流播坊間後數年書估竟將後跋截去充作漢碑以售於人故杭人有翻刻本嘉慶廿年四月忽有日本夷人認為原刻索購五百冊真可笑也

補刻曹娥碑

後漢書列女傳載此碑當立在元嘉初顧不見於歐趙著錄蓋碑亡久矣其所傳邯鄲子禮為文後蔡中郎夜闔手摸其文而讀之曰黃絹幼婦外孫壘白者見章懷太子賢注至魏武楊修之說是世說新語傳訛究屬荒唐不足論也嘉慶十三年五月適奉 朝命加封福應夫人中丞阮公元辰拜廟

下因漢刻久亡而所傳王右軍李北海蔡卞諸書皆非隸體命余補書一通知山陰縣事徐君元梅為捐資立石本廟

重刻漢太尉楊伯起碑

右漢太尉楊公碑見洪武氏隸釋第十二卷宋時尚存乃其孫沛相統之門生汝南陳熾等所立尚有碑陰河東孫定博唯彥淵等一百九十餘人碑中所載楊秉陪陵則咸宗延熹八年事也沛相以靈帝建寧元年卒此碑蓋建寧以後刻者去楊公物故時已四十餘年矣案後漢書本傳太尉有五子而碑中祇載四子碑云除襄城令則本傳未之載也往年在京師見王蘭泉侍郎家有楊氏四碑舊搨本太尉碑亦在焉究

其字體校其碑文而與隸釋小異豈元明人重刻邪道光十二年虎邱山濱新修楊太尉祠其裔孫松濤柳橋諸君屬予書丹爰取舊本而參之以隸釋引鄭谷口傳青主兩家重書郭有道碑之例聊以補漢碑之闕非敢云重模漢碑也識者諒之句吳錢泳記

漢武氏石室畫像後記

漢武氏石室在山東嘉祥縣紫雲山下宋元以來散落殆盡乾隆五十年錢唐黃易洪洞李克正等先後訪得凡四十餘石計武梁祠畫像三前石室十四兩面者二後石室十石柱一左石室十祥瑞圖四及敦煌長史武班碑一即其故地樹石立祠以垂永久董是後者洪洞南正炎李克正興工成事者濟寧李鍾沛李東淇也越七年六月金匱錢泳來觀題石記之

蘭亭第一刻

模宋刻定武本為無為州吳槃齋明府刻

蘭亭第二刻

此即趙松雪所云獨孤長老本是也刻贈山陰陳九巖十峯
昆仲今在會稽郡城青藤書屋中

蘭亭第三刻

余自臨定武本付彌甥楊鳳梧刻兒子曰奇有跋語在寫經
堂西廊壁間

家巖於乾隆癸丑歲在會稽李曉園太守幕中與諸名宿脩
禊蘭亭如袁簡齋太史平寬夫侍郎俱在座極一時之雅旋

臨禊帖百本散于朋舊間茲臨定武肥本是癸丑年所書也
鳳梧表姪初學鐵筆即以試之異日擬再刻一褚本作配傳
諸家塾云嘉慶癸酉三月男曰竒百拜謹書於翁家莊之新
居男曰祥同拜觀

蘭亭第四刻

偶得雙鉤褚本與寧波天一閣范氏刻本相類付曹遜三刻
石

蘭亭第五刻

家黼堂侍郎所藏相傳為唐人雙鉤本後有元豐庚申臨川
王安禮黃慶基等題名

蘭亭第六刻

此本琢州馮相國所藏後有吳傳朋錢聖舉柯九思諸跋松
雪十三跋即從此本出也

縮本漢碑

三公山碑

元初四年

按洪氏隸釋有三公山碑是光和四年立今不存此碑則乾隆三十九年關西王君宰元氏縣在城外野坡間得之惟文字磨滅幾不可辨知為安帝元初四年所立正東漢中葉人書尚有西京篆法是將開隸書門徑時也故以冠諸刻

嵩山太室神道石闕銘

元初五年

嵩山太室闕文二段在河南登封縣中嶽廟南百餘步

元初五年四月刻是歐趙洪氏三家皆未採錄者惟國初顧亭林王虛舟吳山夫輩始有之牛運震曾刻入金石圖與少室開母廟工闕同刻其字徑寸已開隸書之漸矣

嵩山少室神道石闕銘

延光二年

少室石闕四十餘行有直界紋是篆書而兼隸體者其文前序後頌此亦歐趙洪氏著錄所無鎮洋畢秋帆尚書鎮撫河南時所搨出者也

益州太守北海相景君碑

漢安二年

北海相景君碑在山東濟寧縣學戟門東側西向隸續

云篆額二行碑文十七行行三十三字穿居其中在第八字之下按任城有景氏三碑皆不著其名字景君以漢安二年卒則是碑實在東漢諸刻之前故其戈法尚有篆法可寶也

燉煌長史武氏石闕銘

建和元年

武氏石闕銘今在山東嘉祥縣紫雲山文凡八行行十二字趙氏金石錄云武氏有數墓俱在任城其明開者為吳郡府丞綏宗名梁為郡從事宣張名班皆自有碑此一刻是武氏墓上諸碑中之石闕也

司隸校尉楊君石門頌

建和二年

此刻在陝西漢中府褒城縣褒斜道中石壁上按楊君諱渙嘗開通石門便民行旅建和二年漢中太守王升為磨崖頌之頌後紀王君造作石藉之事蓋王君為楊君同鄉其政績復能繼之均可頌也是亦畢秋帆尚書為陝西巡撫時命工搨之載關中金石志

孔廟置百石卒史碑

永興元年

孔廟置守廟百卒史碑在山東曲阜縣孔廟同文門西側南向碑稱孔龢脩春秋嚴氏經按公羊春秋有顏嚴之學即下邳嚴彭祖睦孟之弟子也是碑結體端嚴用華流麗為漢隸正宗與西嶽華山廟碑同一杼軸可為

後人師法者也

李孟初神祠碑

永興二年

李孟初碑在河南南陽縣乾隆中新出土前題大字兩行為額此漢碑中僅見碑文以建祠為主並不詳序李君出處之蹟是吏民追思而立惟書法秀挺綿麗絕類熹平石經按永興二年蔡中郎年二十二此碑或其所書歟

孔謙碣

永興二年

是碣僅高二尺許濶一尺四寸漢碑中最小者碑云孔謙字德讓孔子十九世孫泰山都尉宙之第六子也之

弟也。在曲阜縣孔廟同文門西側北向。
孔君碑

乾隆癸丑年杭州何夢華為曲阜孔氏門婿。偶在聖林
墻外得此碑。其式甚精。高二尺許。上有孔君三墓四篆
字。金石錄雖載之。而不言其名。惟十九世孫尚隱。可
辨也。

魯相謁孔廟殘碑 永壽元年

右孔廟殘碑。前人無所考據。以第一行有吉日令辰四
字。遂謂之吉日令辰碑。亦曰魯相謁孔廟殘碑。在曲阜
孔廟同文門東側北向。較孔謙碣大小相等。文已剝蝕

過半矣。

魯相韓勅造孔廟禮器碑 永壽元年

孔廟禮器碑。又名韓勅碑。在曲阜孔廟同文門西側東
向。前十三行是碑之正文。後三行則韓相名氏暨出錢
諸人姓名。與碑陰兩側連屬者也。按是碑用華秀挺與
他碑不同。論者謂唐歐陽率更褚中令之先聲也。

執金吾丞武榮碑 延熹元年

牛氏金石圖載此碑。在山東濟寧州學戟門西側東向。
凡十三行。穿當碑之正中。甫及碑石之半。亦漢碑少見
者。按韋賢治詩。事博士大江公。及許生。由是魯詩有韋

氏學碑所云韋君章句是也

郎君鄭固碑 延熹元年

是碑在山東濟寧縣學已分兩段今依洪氏隸釋合而一之舊搨每行僅八十九字其中半埋土中乾隆戊戌定海藍嘉瑄掘起之其最下一段與本碑不相連屬別砌壁間

蒼頡廟碑 延熹五年

蒼頡廟碑在陝西白水縣東北五十里之史官村蒼頡廟中西向是碑歐趙俱有著錄而未見其全但云不知是何碑也印洪氏隸釋亦未之載故傳聞異辭鮮有見者

按後漢書地理志左馮翊縣注皇覽曰有蒼頡冢在利陽亭南冢高六丈即此碑已模糊十蝕其八九惟有蒼頡天生德于大聖數行可辨故知其蒼頡碑也其碑首已有漢人題名

泰山都尉孔宙碑 延熹七年

孔宙碑在曲阜孔廟同文門東側南向碑正面十五行行廿八字其穿在額之第二字中間漢碑之有額而首行復有標題者惟此碑也按孔宙為融父曾官泰山都尉碑陰有門生故吏名甚多或稱弟子或稱門童融之道經是其家學也

魯相史晨饗孔廟碑 建寧元年

史晨有前後二碑俱建寧二年立後碑即在前碑之陰在曲阜孔廟同文門東側東向碑之第十一行有出王家穀春秋行禮句其家字秋字今皆剝蝕矣

竹邑侯相張壽碑 建寧元年

張壽碑在山東城武縣儒學據洪氏隸釋尚有全文大約元明之間為俗工鑿斷而為碑跌僅存一百八十字而已今依隸釋仍刻完本聊存原碑面目

仙人唐公房碑 無年月

唐公房碑在陝西漢中府城固縣西北三十里唐公祠

令土人稱唐仙廟水經注有唐公房祠即此惟碑文殘蝕殆盡不可讀友人陳玉珊孝廉城固人也為余言之甚詳其妹夫某於嘉慶元年遊祠中遇異人得飛昇之術成仙去云

衛尉卿衡方碑 建寧元年

衡方碑在山東汶上縣西南十五里郭家樓前南向雍正八年汶水泛溢碑遂陷卧土人捐資重建文二十三行行三十六字翁覃溪先生謂是碑結體豐腴寬轉實開顏公結密無間之法

魯相史晨孔廟後碑 建寧二年

右史晨饗孔廟後碑。即在前碑之陰。西向前碑畔宮。以饗飲之地言。故字從宮。此碑以碑畔宮。以文學之職言。故字從官。按漢書載諸經。凡言列於學官者。皆以饗序之地言之也。碑之第九行。史君饗後部一行。與前八行字稍大。或書碑一時落筆耳。

武都太守李翕西狹頌 建寧四年

西狹頌二十行。每行二十字。在陝西鞏昌府成縣石壁磨崖。其建寧四年六月十三日壬寅造。以下尚有府丞右扶風陳倉呂國士文寶十二行。又有黃龍嘉禾木連理甘露降承露人西像諸題字。題名五瑞碑也。

博陵太守孔彪碑 建寧四年

孔府君碑。牛氏金石圖謂此碑與衡方俱高八尺。是漢碑中之最高者。亦在孔廟。同文門東側。西向。文十八行。行四十五字。有闕。如棊局。剝泐最甚。而其碑陰尤磨滅不可讀也。

柝里橋郿閣頌 建寧五年

郿閣頌。在陝西畧陽縣。近時所傳者皆重刻本也。後尚有建寧五年及仇審等題名。舊時在棧道中磨崖。碑即在橋旁。令棧道已徙他處。碑亦磨滅難辨。縣令申如墳重摹。筆法亦畧相似。文十九行。每行二十七字。較隸釋

所載十去其三四矣。

司隸校尉楊淮表記 熹平二年

楊淮者即前司隸校尉楊渙字孟文之元孫也當是孟文勒頌後之廿六年同郡卞玉過此追述勒詞俱在石門石[○]壁[○]洪氏隸續謂同郡卞玉過其墓勒此銘者非也。

司隸校尉魯峻碑 熹平二年

忠惠父魯君碑在濟寧縣儒學戟門東側西向隸續云魯峻碑隸書額~~隸書~~額兩行下有一穿文十七行每行三十二字按碑額所題忠惠父者是其門人干商等書

其師之美行即後世~~私謚~~私謚之類也

豫州從事孔褒碑 無年月

按孔褒字文禮孔子二十世孫即宙之子融之兄也碑在孔廟同文門西側北向本朝雍正三年鄉民耕田出于縣東周公廟側荒田中遂輦至孔廟列於諸漢碑之次惟文剝蝕不全有治家業春秋綜極篇藉博學多識諸語則褒亦能宗述嚴氏之學者也

武都太守耿勲碑 熹平三年

耿勲碑歐趙兩家俱不載惟洪氏隸續有之在陝西鞏昌府成縣南宋乾道間始出今已模糊就舊本可見者

而模之得二十二行每行二十二字其原闕者不過數字而已。

聞熹長韓仁銘 熹平四年

是碑金正大初出土碑文八行每行存十八九字其下半俱殘闕矣後有金人趙秉文李獻能李天翼諸人題名立石按牛氏石金圖云在河南滎陽縣署東角門東側西向此亦歐趙洪氏諸家之未載者兩漢重循吏而韓君不見於史予以知班范二家遺漏不少也。

堂谿典嵩山季度銘 熹平四年

是刻從來著錄之家所不載今在河南太室山開母廟

石闕之下南向前人謂之季度銘為谿典請雨嵩高時所刻北平翁覃溪先生深于金石考據引趙氏金石錄東觀漢記蔡邕傳注及延篤傳注為證究未訂定今仍謂之季度銘可耳。

豫州從事尹宙碑 熹平六年

尹宙碑始見于顧亭林金石文字大約明季新出土者在今河南鄆陵縣儒學戟門南向碑額僅存從銘兩字當云漢故豫州從事尹君之銘十字耳文十四行每行廿七字完好無闕較孔宙碑用筆畧相似而雄渾過之漂陽長潘軋校官碑

校官碑在江南之溧陽縣儒學大門南向宋紹興十一年溧水尉喻仲遠得之固城湖濱後有元至順四年文學掾濟陰單禧跋語蓋宋時始出土者文以前序事曰諫後半有韻之文反曰序亦漢碑中之變例也

白石神君碑 光緒六年

是碑在陝西元氏縣城內龍化寺後西向立龜趺螭首字比校官碑畧大而方勁有法漸開魏碑之法昔人視為唐宋人翻刻而實非也

郟陽令曹全碑 中平二年

曹全碑明萬歷中始出故前人未之著錄也在今陝西

郟陽縣儒學東掖門內西向是碑用筆秀逸綿麗意得神閑漢隸中別出一種晉王右軍書法姿媚實從此出也

蕩陰令張遷碑 中平三年

按張遷字公方靈帝中平三年立在今山東東平州儒學明論堂前南向碑之四遭有盤龍今為圻者砌在墻內搨碑人不知也碑中有爰暨且於君句辛楣宮詹強解既且作兩字非也按魏元丕碑亦有爰暨于君之文是漢人常語寔是書碑者誤視原稿一字為兩字耳

巴郡太守樊敏碑 建安十年

樊敏碑今在四川雅州府之黎陽縣立于建安十年已有黃初孔廟之體余少時曾見是榻為臨一過近晤武威張介侯大令從蜀中來據云此碑儼然在也又云縣城外尚有高顯碑惟道遠地僻鮮有榻者到此故不傳耳

魏封孔羨碑 黃初元年

按孔羨為孔子二十一世孫魏封為宗聖侯以奉祀孔子者也碑在孔廟同文門西側東向是碑與上尊號秦禪表同一杼袖恐是鍾太傅一手書而唐之張稚圭必欲定為梁鶴書者何也曹操立國固不足齒而亦能尊

^臨宗孔子故僅存此一碑至于上尊號受禪二碑可不必模矣

魏廬江太守范式碑 青龍三年

是碑久經湮沒乾隆四十三年六月膠州人崔儒眎得于濟寧州之龍門坊水口石下已殘缺大半矣今砌在州學二門壁間北向茲從錢塘黃小松司馬所藏宋榻本模之尚有五百二十餘字

吳禪國山碑 天冊元年

江南通志載有吳禪國山碑在今宜興縣張渚鎮北去十餘里董山之頂土人謂之固碑以其形如米囤也高

一丈二尺周圍寬二丈餘形圓而楕有類于禹陵窆石
海鹽吳槎客曾親至碑下手搨數紙而歸深辯陳壽三
國吳志之誤實天冊元年所立也

吳九真太守谷朗碑

吳九真太守碑在湖南耒陽縣其文十八行每行廿四
字前人鮮有之者歐趙~~碑~~有錄~~碑~~無書則亦未曾親也
碑云于時交州竊邑叛國戎車屢駕干戈未戢帝思俾
乂訓咨羣司僉以君任部南州遷九真太守與吳合志
蓋朗以建衡三年守九真其明年即改鳳皇元年而卒
惟陳壽不為之立傳耳

以上皆見存之碑計四十種

熹平石經殘字

熹平四年

蔡中郎奏求正~~定~~六經文字刻諸太學見後漢書本傳
惟世無傳本洪氏隸釋所載者有尚書魯詩儀禮公羊
論語諸碑共二千一百二十~~餘~~字~~錄~~鏡之會稽蓬萊閣元時
已亡不可復得嗣後重模漢石經者則有如成都胡元
簣越州石熙明及靖江王府重刻本而今皆不傳乾隆
五十年七月余得明季徐樹丕所藏雙鈎本刻之一時
風行海內今原石又付祖龍矣惟蕭山王中丞紹蘭家
有縮本尚存道光癸卯歲余春秋八十有五追思舊事

再為縮本置諸案頭朝夕摩挲如入洛陽講堂足令人發懷古之幽情也

圍令趙君碑 初平元年

按洪氏隸釋趙君名俱闕文亦殘蝕過半余生平凡兩見是碑一見于家草楣宮唐案上一見于張芑堂徽君皆未裝者似原碑尚在世間而不知其所在耳後聞之故老云兩本皆天一閣中物也

西嶽華山廟碑 延禧八年

華山廟碑明嘉靖三十二年地震碑毀片石無存今所傳者惟舊撮本國初華陰王無異家有一本而闕一百

五十字後高邱宋牧仲復有一本則一字不闕為陳伯公學士得之北平翁覃溪先生曾以雙鈎刻于棗木近揚州阮相國又得一本亦有闕文相傳為明州天一閣藏本也余皆親見之今為縮本聊存面目云

北海淳于長夏承碑 建寧三年

夏承碑原刻按趙明誠金石錄云元祐中洺州因治河隄得于土壤中後復失之明成化間知府秦民悅有重模本嘉靖間知府唐曜文又有重模本故自来考據家若豐道生王弇州王秋澗都元敬楊景西吳山夫何義門輩言人、殊也今從同邑華中甫所藏本縮臨之其所

闕三十字則從成化本補全以資後來者攷正焉
元儒先生妻壽碑 熹平三年

歐陽集古錄云乾德縣圖經載有妻壽碑景祐中余自
彛陵貶所再遷乾德令按圖求碑而壽有墓在穀城界
中見此碑在側遂遷碑還縣立于勅書樓下據此則碑
在今湖廣襄陽府穀城縣也惟此碑世無傳本惟見吳
門蔣韻濤學博家有之亦即吾鄉華中甫舊物也為之

緬臨一過

成陽靈臺碑 建寧五年

錢塘王瑋小松司馬家有靈臺碑余曾借閱一過細審之

其為宋人模本無疑校其文與洪氏隸釋小有異同
為編本可補訂洪氏之譌

小黃門譙敏碑 中平四年

譙敏碑并額亦小松司馬所藏校其碑文字體與隸釋
悉同亦重刻本也翁覃溪先生校出氏乃二字及七月
十八日癸卯造洪氏作廿八按是年七月丙戌朔則癸
卯當是十八日也

酸棗令劉熊碑 無年月

按隸釋劉熊字孟陽為漢宗室即水經所載□□□□
□□有劉孟陽是也翁覃溪先生嘗以秋江史汪容甫

巴晉堂三家雙鈎本彙而刻之京師凡二百四十三字
道光十七年余游明州從范氏天一閣見原搨本乃知
翁氏所刻是碑之下半截耳亟為縮本藏之篋笥以貽
好事云

孝廉柳敏碑 建寧二年

柳敏碑洪氏隸釋隸續皆載之惟近年罕見搨本余于
三十年前見吳門陸西屏文學家有此原文完好所闕
者十五字雖不能定其宋搨寧臨之以廣見聞

桐栢山淮源廟碑 延熹六年

淮源廟碑漢刻久已失傳今所存者乃元人吳炳重模

乾隆五十二年余在汴梁幕府適軍秋帆尚書奉

命查奏淮源之後因搨得數紙前人嘗以正書此文勒

石廟側而有謬誤為識者所笑今仍吳炳本而再刻之

以上皆已佚之碑計種種

東海廟碑 熹平元年

洪氏隸釋載有東海廟碑僅憑翦本其時廟已一椽無
存則是亦亡之矣嘉慶丙子丁丑間太守師禹門邀
余遊雲臺山者三閱月歸而縮臨一本當置之三元宮
以補吾江南漢碑之闕

外黃令高彪碑 中平二年

按高彪字義方吾邑人見後漢書文苑傳云彪為諸生遊太學有雅才郡舉孝廉試經第一除郎中校書東觀數奏賦頌因事諷諫靈帝異之蔡邕美其文以為莫尚也後遷內黃令帝勅同僚臨送祖于上東門詔東觀畫像以勸學者洪氏隸釋云紹興中吳郡人取土於郭外而得是碑置于郡齋詳本傳文與碑合惟漢書作內黃今碑作外黃當以碑為正泳以其為邑中之先賢也為依洪氏釋文而縮臨之 以亦邑中學者

張平子碑 無年月

張平子碑晉南陽相夏侯湛作水經云西鄂縣有平子墓東有碑即此惟是碑是篆書崔子玉筆也今改為隸平子博學多文當為後漢第一流人物余故樂為重書而刻之坐右以補漢人之未及云

吳天叢神識碑 天璽元年

三國吳碑碣絕少惟國山碑與是碑最著舊在江寧府學本朝嘉慶十年燬于火不可復得矣按前所刻三公山碑為開東漢隸書門徑此碑則直開北朝魏齊諸碑之門徑矣唐歐陽率更全祖魏齊其子元圭峰禪師碑尤似之

以上補刻之碑計四種

郭有道碑 建寧二年

郭有道陳仲弓二碑俱蔡中郎文所謂無愧辭者故昭
明_也選之自足千古惜無碑碣可傳歐趙洪氏諸家亦
未_也見_也案石墨鐫華云有縣令王正己重刻本

國初有傳青主重刻本又鄭谷口重刻本近如舉姜任
脩亦有重刻本俱在山西介休縣郭公墓側余則縮為
小本刻之樂石傳播藝林亦佳話也

陳仲弓碑 中平三年

陳仲弓_碑余于五十年前曾為山陰陳默齋總戎寫刻一

本搨者紛_々傳之海內後為祖龍取去不知何時流入
日本國日本人誤認為漢刻向海舶要一百張坊人即
以余寫本翻刻應之可發一咲也茲則再作小本與郭
有道並峙案頭可補前人之闕

楊太尉碑 建寧二年

青浦王蘭泉司寇家藏有楊氏四碑余以為皆元明人
翻刻不足重也惟太尉為後漢一朝人物擬以縮本補
之道光十二年虎邱山新脩楊太尉祠余嘗為_書一本刻

石祠中案後漢書本傳太尉有五子碑中祇載四子碑
云除襄令城則本傳未之載故金石刻辭不可闕也實
足與史傳相本家也

曹娥碑 青龍三年

孝女曹娥碑見後漢書列女傳注云想當時必有大碑所謂絕妙好辭者也今所傳者惟王右軍書小字本而原碑不傳昔^宋丞相國為浙江巡撫時曾命余書一通介山陰令徐君元梅刻石重立廟中故余再書縮本為重模漢碑之殿云

以上曾擬刻之碑計四種

縮本唐碑

新建觀音寺碣 武德五年

右觀音寺碣陸德明撰按新唐書高祖紀武德四年五月壬戌秦王世民敗竇建德于虎牢執之戊辰王世充降撰文在五年建寺工竣而立碑也德明吳人隋大業中嘗授國學助教越王侗署為司業世充平秦王辟為文學館學士其時尚未授職故仍舊銜

孔子廟堂之碑 武德九年

右孔子廟堂碑虞世南撰并書在陝西西安府學五代王彥

超重刻本也按太宗以武德九年八月即皇帝位十二月詔封孔子後重修聖廟貞觀七年廟始成碑之建即此時也碑始立時僅捐數十紙賜王公近臣後廟火而碑亦燬至武后時再刻原額有大周孔子廟堂之碑八字大中五年國子祭酒馮審奏請琢去偽號從大唐今額但存孔子廟堂之碑六字蓋承宣宗時所琢之本而重刻者也元人虞堪云近定陶河決出有虞永興孔子廟堂碑又王阮亭居易錄載城武縣亦有一碑是皆從唐捐重模者今彥超本亦不全已分三段剝蝕二百餘字惟高邱陳伯恭學士家有一本完好無闕尚是宋時舊損

寶室寺鐘銘

貞觀三年五月

右寶室寺鐘銘不著撰書人名國朝康熙初因河決而出土銘詞書法俱竒妙初唐人筆也文云貞觀三年攝提在癸賓御律按三年是巳丑今云攝提誤也後有上大將軍張神安杜茂等名鐘今在陝西鄜州城南樓上

豳州昭仁寺碑文

貞觀四年

右昭仁寺碑在陝西豳州長武縣鄭樵通志金石略謂虞永興書或謂歐陽通書關中金石記又云是王知敬書余嘗論古人立碑記事為重撰書姓名或著或不著非所計也撰文既為子奢書碑亦其筆耳惟碑中書世字皆不缺筆豈當時

奉勅撰書不避耶長武縣在邠州西八十里太宗與薛舉戰處舊唐書太宗紀貞觀三年十二月癸丑詔為義士勇身戎陳者各立一寺此其一也子奢新書唐有傳

化度寺故僧邕禪師舍利塔銘 貞觀五年十一月

右化度寺故僧邕禪師舍利塔銘按解大紳春雨集載河南范諤跋尾云慶歷初其高王父開府公諱雍舉使闕右歷南山佛寺見斷石碱下視之乃此碑稱歎以為至寶寺僧誤會以為石中有寶破石求之不得棄之寺後公他日再至則石為三段蓋是碑宋時已無全文今所傳一鱗片爪皆剝蝕不全本也近日好古家時得宋榻如榮府本大興翁氏本海南

吳氏本錫山孫平叔觀察為編修時嘗取諸本彙集錄為全文而請成邱書之較王氏金石萃編尤為完備今從成邱書本錄出

九成宮醴泉銘 貞觀六年

右九成宮醴泉銘在陝西麟遊縣西五里之天台山曾南豐云九成宮乃隋之仁壽宮徵為此銘欲使太宗以隋為戒也蓋因隋氏之壯麗歸唐德之儉損頌中寓諷最為得體此碑自宋以來為海內所寶重椎榻既多字畫遂細雖宋榻亦多闕字至有明中葉復為俗工深鑿以致不成形體故有已鑿本未鑿本之名惟吳門蔣氏有唐榻重刻本則一字無損猶

能讀元城之全文見信本之真面爾

大唐故汝南公主墓誌銘

貞觀十年

右汝南公主墓誌草稿無書撰人姓名宣和書譜米芾書史皆載為虞世南書末行有貞觀十年十一月丁亥朔十六日下缺無銘詞蓋不全本也據書史云在洛陽王護處見摹本其真蹟在洛陽好古家後十年見真蹟在故相張公之孫清直處文衡山甫田集云元初在郭祐之家後不知所在亦不知何年上石 國朝乾隆中鎮洋畢秋帆尚書撫河南時得一卷有李東陽王世貞諸跋刻經訓堂帖則墨蹟至今猶存未知即米元章郭祐之所見本否按公主為太宗次女今碑

文作三女新唐書但有汝南公主早薨六字其諱字無攷高祖紀李氏為隴西成紀人則公主當仍其籍貫如文安縣主墓志亦書隴西成紀人此碑稱狄道殊不可解然比丘尼法琬法師是中宗之三從姑亦稱狄道人也

隨柱國左光祿大夫弘義明公皇甫府君之碑

貞觀十一年

右皇甫君碑舊在陝西咸寧之鳴犢鎮墓前今移西安府學按皇甫誕字元憲隋大業中人後以子無逸仕于唐始為追建然不載立碑年月趙明誠金石錄注云貞觀中立顧寧人金石文字記亦列是碑于貞觀之間碑中所載官爵籍貫字號與北史隋書小有異同碑云誕字元憲兩史作元慮碑云

安定朝那人北史作安定三水人隋書作安定烏氏人碑云授廣州長史兩史作魯州刺史所歷官爵亦懸簡不同俱當以碑為正也

8
大唐故文安縣主墓誌銘 貞觀十四年

右文安縣主墓誌無書撰人名亦不載于諸家著錄是近時關中新出土者碑載縣主之父為巢刺王劼按新唐書高祖二十二子三曰巢刺王元吉劼即元吉也縣主下嫁段儼儼為工部尚書駙馬都尉紀國公文振子文振見北史隋書俱有傳而新唐書諸公主傳作杞國公則杞為紀之譌當以碑文為正

8
帝京篇

貞觀十九年

右褚中令書帝京篇并序見董文敏戲鴻堂帖明時墨蹟尚藏晉陵唐荆川先生家全唐詩未之載也

8
大唐三藏聖教序 永徽四年

右集書聖教序在陝西西安府學按書苑云唐文皇製聖教序都城諸釋氏咸諉懷仁集王右軍書勒石累年方就蘭亭真蹟盡萃其中其結體大小皆合而偏旁頗多假借蓋集書不得不然自勒石後即為世珍重當時李北海吳通微蘇靈芝諸人從此脫胎有院體之目至宋初翰林侍書輩亦皆學之即以之書誥敕文牒遂流為俗體矣蓋右軍用筆道媚難

于尋繹非如歐虞褚薛之書有門徑可尋也

大唐太宗文皇帝製三藏聖教序 永徽四年

右同州聖教序在陝西同州倂廳後有龍朔三年六月二十三日建字樣按舊唐書褚遂良傳永徽元年出為同州刺史三年徵拜吏部尚書顯慶三年卒于愛州至龍朔三年已沒五年矣金石粹篇謂是後人重其書法之工風節之峻故追刻之其有龍朔年月者乃後人所增非褚筆也

大唐王居士磚塔之銘 顯慶三年十月

右王居士磚塔銘上官靈芝製文敬客書書法甚似褚中令而結構精嚴處雖雁塔同州兩聖教及孟法師諸碑亦無以

過之此碑明末出土向在西安府城南百塔寺初出時已裂為三字尚完好後為官吏遣工人入寺椎搗寺僧不勝其擾以石擊之分為十餘塊今且亡矣上官靈芝王蘭泉司寇以為即上官儀之子敬客無攷或曰亦姓上官與李輔光碑巨雅不著姓同例

大唐故翻經大德益州多寶寺道因法師碑文 龍朔三年

右道因法師碑在陝西西安府學歐陽通書即率更令詢之子早孤未得率更親授求父書不惜重貲力學不倦其用筆每橫皆用波法學房定公碑也

大唐故騎都尉李君墓誌銘 麟德元年

右李文墓誌銘在陝西同州金塔寺不著書撰人姓氏而文甚典麗書亦精嚴王虛舟謂與磚塔銘同一手筆惟刻工惡劣不及磚塔銘遠矣

大唐中岳隱居太和先生琅耶王徵君臨終口授銘 垂拱二年

右王徵君臨終口授銘在河南登封縣老君洞南其弟正議大夫紹宗書張懷瓘書斷云紹宗字承烈江都人其兄元宗隱嵩山號太和先生傳黃老術即徵君也紹宗二書當時人以虞伯施比之此碑楷法道勁實兼歐虞之長

大唐故朝議郎行澤王府主簿上柱國梁府君并夫人唐氏墓

誌銘 垂拱四年

是碑不載於金石萃編後有四品孫義陽朱賓撰文五品孫滎陽鄭庄書者當是外孫為外祖父母撰書耳飛芳於舊里作奪里筆誤也

大唐故上護軍龐府君墓誌銘 垂拱三年

右龐德威墓誌近時長安新出土者碑云字二哥恐借哥為歌也後漢書哥永言唐書注引屈原九哥皆作哥

杳冥君之銘 神功元年

右杳冥君銘薛稷為文并書見戲鴻堂帖按兩唐書稷為魏徵之甥徵家富圖籍稷精摹仿筆致道麗與歐褚並稱第所傳碑版甚少杳冥君者亦如陳子昂冥莫君之比銘前必有

序文緣起此僅存其銘也

夏日遊石淙詩 久視元年

右武后游石淙詩在河南登封縣石淙山北崖上薛曜書武后以久視元年夏行幸嵩山賦石淙詩并序其侍遊應制者為皇太子顯以下十六人兩唐書本紀俱未載前人論曜書如瘦籀頓折處若有腫節是書家別體信然

大周無上孝明高皇后碑銘 長安二年正月

右大周無上孝明高皇后碑銘梁王武三思奉勅撰相王旦奉勅書此武后追尊其母楊氏而立也其時睿宗為相王為書是碑舊在陝西咸陽前明萬歷乙卯地震而什縣令取其

石築河岸今已亡矣海昌查氏有一本尚是宋時舊搨然已不全孫淵如觀察嘗為雙鉤刻石今立虎邱孫子祠中世謂之順陵碑者是也

高延貴造像銘 長安三年七月

右高延貴造像銘立于長安三年七月碑僅書渤海高延貴想其人無名位可稱也書法秀勁可入賞鑒之目

韋均造像 長安三年九月

右富平縣丞韋均造像立于長安三年九月云為慈親不豫造像一鋪唐人之信佛如此

李承嗣造像 長安三年九月

右李承嗣造像與姚元之造像俱在長安三年九月十五雕
斲字作斲于此僅見

姚元之造像 長安三年九月

右姚元之造像即姚崇也元之時為同鳳閣鸞臺平章事而
不入銜當時猶未以平章為正官耳

姚元景造像 長安四年九月

右姚元景造像碑云朝散大夫行司農寺丞姚元景即崇之
兄見唐書宰相世系表表僅書元景官潭州刺史此云司農
寺丞或未為刺史時也

附

蘇寶才造像 麟德元年

李万通造像 儀鳳三年

丘清懿等十九人造幢 景龍三年

孟再榮造像 元和三年

顏真卿題名 乾元元年

第五公與其子壻虞當題名 大歷五年

李國清等題名

裴士淹題名 大歷五年

郭豐李冲等題名 元和元年

李仲昌題名 廣德二年

孫廣田遇題名 廣德二年

李愔題名 開元廿四年

蘇炎題名

蘇頲題名 開元廿六年

盧正道勅 景龍元年十月

右中宗賜盧正道勅在河南字迹五寸許其碑陰刻盧公清德文按盧公官有美政以循吏得名賜敕褒美而新舊唐書俱無傳僅見宰相世系表盧官至鄂州刺史今洛陽許家營尚有盧府君神道碑所敘歷官始末甚詳

大唐口部將軍功德記 景龍元年十月

右口部將軍功德記在山西太原縣天龍寺後撰文及書者為郭謙光一行作篆紀文則用八分與黃石公祠記碑陰同按將軍名珣官至天兵中軍副使右金吾衛將軍上柱國開國公與其夫人黑齒氏造像作記蓋蕃將之歸唐者也

大唐 寺故比丘尼法琬法師碑 景龍三年

右比丘尼法琬法師碑在陝西長安府學按法琬為中宗之三從姑太祖景皇帝之元孫女父臨川公德懋官宗正卿兵部尚書謚曰孝皆史所不載德懋請捨所愛女為亡父祈福奉勅聽許可謂溺于習俗矣

唐故朝議郎行雍州長安縣丞上柱國蕭府君墓誌銘 景雲二

年

右蕭思亮墓誌銘中大夫行薛王友顏惟真撰在陝西西安府城南神和原出之土中者按惟真字升堅少授筆法于殷仲容以草隸擅名即真卿父也其行事詳魯公家廟碑思亮字孔明曾祖翹祖季符父溫恭仕于隋唐並為顯官梁書南史新舊書俱不載其為梁之宗室與否亦不可考

景龍觀銅鐘銘

景雲二年二月

右景龍觀鐘銘在陝西西安府城按察司署唐睿宗御書也睿宗書惟孔子廟堂碑額及順陵碑與此為三正書之中雜以篆隸絕似興和李仲璇碑

唐故孝子朝議郎行大理司直上柱國郭府君墓誌銘

景雲二年十一月

右郭思訓墓誌銘在河南洛陽史家灣王氏無書撰人名按思訓有弟思謨官雍州武功縣尉亦有墓誌兄弟俱應孝弟廉讓科可想見其家風之美而河南府志洛陽縣志俱不載可補其缺

大唐易州石亭府左果毅都尉薊縣田義起石浮圖頌

太極元年

右易州石亭府左果毅都尉薊縣田義起石浮圖頌考唐書地理志易州軍府有古亭當是石亭之謠又云雍州置府百

三十一止得其十餘皆逸之而雍州又有興國府之名又地理志之未備也

唐故將軍柱國史公石像銘 延和元年

右故將軍柱國史公石像銘立于延和元年七月蓋其夫人襄邑縣君某氏為其夫所建

大周故鎮軍大將軍行左鷹揚衛大將軍兼賀蘭州都督上柱國涼國公契苾府君之碑銘 先天元年

右契苾明碑在陝西咸陽縣北五里雙泉洞東北上崖筆法瘦勁在虞褚之間按契苾明何力子也兩唐書俱有傳碑立于元宗先天二年之十一月而碑首稱大周用武后製字當

是葬時製文及書在萬歲通天時至先天二年其次子涼國公嵩始為立石者

唐少林寺戒壇銘 開元三年正月

右少林寺戒壇銘括州刺史李邕書又一刻為南館學生張傑書當時蓋有兩刻也王蘭泉少寇謂此碑建于開元三年正月攷其時邕在崖州與少林相距甚遠寺僧立此小碣未必能跋涉遠求疑託名邕書以取重耳

大唐淨域寺故大德法藏禪師塔銘 開元四年五月

右淨域寺法藏禪師塔銘鄉貢進士田休光撰文碑曾祖詒吳郡太守大父頴隋閬州刺史父禮唐少府監俱不見于諸

史所稱隨信行禪師撰三階集錄數十卷經籍藝文二志亦未載也碑首第一行作八分書亦僅見

大唐太常協律郎裴公故妻賀蘭氏墓誌銘開元四年十二月

右太常協律郎裴公故妻賀蘭氏墓誌無書撰人名碑云洎大漸移寢于濟法寺之方丈殯則遷陪信行禪師之塔言之恬不為怪亦可資嗚噫也

東海縣鬱林觀東巖壁記

右鬱林觀摩崖石刻在海州雲臺山開元七年崔惟怱為海州司馬其子崔逸為文刻石者也前人著錄鮮有載者

修孔子廟碑開元七年十月

右修孔子廟碑在山東曲阜孔廟李邕文張廷珪書按舊唐書廷珪與陳州刺史李邕親善屢上表薦之邕所撰碑必請廷珪八分書之此其一也碑陰刻唐宋金元人題名十三段

大唐易州新安府折衝李公石浮圖之銘開元十年四月

右李文安石浮圖銘梁高望書云為亡妻河東郡薛氏造浮圖一所以資冥福唐人習俗如此

大唐御史臺精舍碑銘開元十一年

右御史臺精舍碑銘在陝西西安府學中書令崔湜文梁昇卿八分書尚有碑陰及兩側題名分作三截書計三十一行蓋湜在長安初任殿中侍御史時所撰之文至開元十一年

而昇卿始為追書也八分猶得漢人典刑

大唐龍興大德香積寺主淨業法師靈塔銘開元十二年

右香積寺主淨業法師靈塔銘在陝西長安縣香積寺正字畢彥雄文而無書人姓名筆法在虞褚之間恐亦彥雄所書也

蒲國公楊花臺銘開元十二年

右號國公楊花臺銘在陝西西安府花塔寺申屠液撰文碑云輔國大將軍號國公楊即宦官楊思勗前人謂之楊花臺者非也是銘分為二石前石有序無銘後石有銘無序二石實是一物也

大唐鄔國長公主神道碑銘開元十三年

右鄔國長公主神道碑銘元宗隸書在陝西蒲城縣按此碑載文苑英華及唐文粹諸金石家並載之俱小有同異如上柱國下無兼字玉筭耀首向上脫及乎二字天人晝哭作夫人悲蕪草之先化作瑤草降恩札于雲露作恩礼山是洽陽作洛陽俱當依碑本公主初嫁薛倣後嫁鄭孝義新舊唐書皆載之不諱而金石錄補譏之按唐書諸公主改嫁者凡二十六人不獨鄔國也

述聖頌開元十三年

右述聖頌在陝西華陰縣嶽廟中達奚珣撰序呂尚撰頌并

書無年月頌以述聖名者以元宗有西嶽碑銘因為述而頌之也按唐書本紀開元十二年十一月庚午如東都想西嶽碑即建于是時此碑當立于十三年無可疑者今西嶽碑既燬惟存其趺而此碑完好無缺其存佚似有數焉

紀泰山銘

開元十四年

右紀泰山銘在山東泰安東嶽廟後磨崖南向高二丈九尺廣一丈七尺字大徑六七寸許自漢以來碑碣之高大雄壯莫有過于此者按新舊唐書冊府元龜唐文粹及岱史泰安志俱載此文各有不同蓋碑身高大難讀雖有搨本可據亦自殘缺模糊故互異耳近阮雲臺宮保作山左金石志辨之

甚詳

唐大薦福寺故大德思恒律師誌文

開元十四年十二月

右大薦福寺思恒律師誌文在陝西長安鄠縣常某文名已缺矣碑叙思恒俗姓顧氏吳郡人其祖元為隨門下上儀同三司蓀蕪郡開國公持節洪州諸軍事行洪州刺史徧檢諸地理書無蓀蕪郡或是誤書

端州石室記

開元十五年正月

右端州石室記在廣東肇慶府城北數里七里巖斗光洞石壁上李邕撰記歐陽集古錄以為張廷珪書未必然也記中闕字甚多如邦伯畢公譌作旱公是後來剜鑿之故今改正

之

大唐雲居寺石浮圖銘

開元十五年二月

右雲居寺石浮圖銘在直隸易州碑立于開元十五年建者為范陽鄭元泰其人殆無祿位乃竭產罄工以祝上帝萬壽先人百福殆亦鈞奇之士

唐故延州膚施縣令上柱國于公墓誌銘

開元十五年七月

右于士恭墓誌案唐書宰相世系表永寧高州刺史頗與志合而表云永寧之子隰州刺史與志所載名位俱異矣此亦近時新出土者

大唐故寧州豐義縣令鄭府君墓誌銘

開元十五年七月

右鄭溫球墓誌亦關中新出文云御史元公欽君器能相邀入幕韜弓飲至君之策焉考其時當是元載也

皇唐嵩岳少林寺碑

開元十六年

右嵩岳少林寺碑在河南登封縣少林寺鐘樓下裴淮撰書按新舊史淮皆有傳其封正平縣子則史所失載淮書秀勁有歐虞遺法而當時無書名何也

大唐故興聖寺主尼法澄塔銘

開元十七年

右興聖寺主尼法澄塔銘在陝西西安府咸寧縣城外馬頭空上柱國嗣彭王志暎撰書碑云志暎為宗正卿此唐書宗室世系所未載其女為法澄弟子故為撰書唐時佞佛以帝

胄之貴尚有出家學道者

大唐哀義寺故大德敬節法師塔銘 開元十七年七月

右敬節法師塔銘無書撰人姓名王氏萃編亦不載唐代崇尚佛老僧尼碑志日出日多無足深考惟書法頗近歐褚可寶也

大唐龍角山慶唐觀紀聖之銘 開元十七年九月

右慶唐觀紀聖銘建于開元十七年九月御製御書與金錄齋頌並在山西浮山縣南三十五里老子廟中萃編獨遺此碑何也

張九齡告 開元二十二年五月

右張曲江告身見淳熙秘閣續帖告中裴耀卿張九齡李林甫三人並列此為僅見

大唐故大智禪師碑銘 開元廿四年九月

右大智禪師碑銘在陝西西安府學中書侍郎嚴挺之撰殿中侍御史史惟則書并篆額碑陰小記亦惟則書也前碑豐腴後碑瘦勁俱為絕作昔人論分隸稱惟則為開元時第一寶泉述書賦亦云古今折衷大小應變當在徐少師上

大唐故京地府美原縣尉張府君墓誌銘 開元廿四年

右美原縣尉張府君墓誌銘舊在陝西西安府城南杜城乾隆五十年冬為巡撫畢公所得命携吳門置之樂圃筆法甚

精惜為鑄工所誤乃知自古碑刻優劣鑄工亦居其半也

令長新誠開元廿五年

右唐元宗令長新誠碑不見於新舊唐書亦不見于諸家著錄乾隆五十八年嘉定錢獻之別駕官闕中於蒲城縣學宮掘地得之書法婉儀秀整絕似褚河南真藝林秘寶也

大唐易州鐵像碑頌開元廿七年

右蘇靈芝書鐵像碑頌在直隸易州碑載盧君開北山通車道三所置縣三害必草利必興又唐書地理志載盧暉自束城平舒引滹沱河入淇通漕溉田五百餘頃又徙永濟渠自石灰窠引流至城西注魏橋以通江淮之貨則盧君居官所

至興建實當時之循吏郡人為之立碑頌德宜哉靈芝之書豐腴開展介乎平原北海之間後世惟趙榮祿得其秘奧

尚書省郎官石記序開元廿九年十月

右尚書省郎官石記序陳九言撰張旭正書此碑宋時已不存墨池編謂吳中有重刻本亦未見也嘉慶乙丑歲安邑宋芝山得一本後有王濟之及弇州昆仲題跋蓋陳眉公家藏董思翁嘗借以刻入戲鴻堂帖者長史真書此為僅見

祈雨記天寶元年四月

右華州刺史張惟一等祈雨記在述聖頌碑左側隸書四行金州刺史李權書也案書史會要權唐宗室李平均并也集

古錄云唐代以分隸名家者四人韓擇木蔡有鄰李潮史惟則余謂尚不止此若徐浩張廷珪梁昇卿戴千齡恐尚在諸人上也

大唐平陽郡龍角山慶唐觀大聖祖玄元皇帝宮金籙齋頌天寶二年

右平陽郡龍角山慶唐觀元元皇帝宮金籙齋頌在山西浮山縣龍角山左拾遺崔明允撰文集賢院待制史惟則書按唐書兩人俱無傳獨惟則之名見于述書賦及集古錄以分隸得名山西通志云龍角山在浮山縣南三十五里東西二峯高峙雲表武德三年縣人吉善行言于山下見白衣老人

曰為吾語唐天子吾為老君而祖也言訖不見遂詣長安奏聞詔命左親衛都督杜昂于龍角山致祭老子再見復命有司于其地建祠開元十六年詔改慶唐觀御書額及碑文又命高力士董修老君殿所云金籙齋者有七種見唐六典皆道家語此碑蓋修金籙大齋而立也

大唐嵩陽觀紀聖德感應頌

天寶三載二月

右嵩陽觀紀聖德感應頌崇元觀大學士晉國公李林甫奏上東京留守裴迴題額金部員外郎徐浩書丹碑甚高大在河南登封縣嵩陽書院完好無闕所記元宗命道士孫大沖設醮燒丹之事此碑與紀泰山銘俱可補元宗本紀之闕

石臺孝經序

天寶四載九月

右石臺孝經在陝西西安府學元宗御製注并書碑四面刻經注文多故不復及惟錄御製序及碑後李齊古上表明皇批荅并右丞相李林甫以下四十三人題名

唐故吏部常選廣宗郡潘府君墓誌銘

天寶七載

右潘智昭墓誌銘在陝西西安府潘君工書美別寶玉通挈壺術其稱廣宗郡潘府君以郡望觀姓前此為異例

唐少林寺靈運禪師功德塔碑銘

天寶九載

右靈運禪師功德塔碑銘大理評事崔琪撰文門人堅順立少林寺碑林立凡數十種萃編獨缺此碑何也

古井記

天寶九載

右古井記在山東費縣署二門壁間後有宋紹聖丁丑知縣逢完小記此山左金石記所失載者嘉慶十三年冬督糧道孫公星衍始訪得之按費縣志有李桓子井此其是耶

大唐西京千福寺多寶佛塔感應碑文

天寶十一載

右多寶佛塔感應碑文在陝西西安府學魯公書碑甚多惟此碑最前亦最著以其字畧小便于展玩臨摹也余嘗論干祿字書非不小然用筆方整古拙非初學所能企及此碑則秀媚多姿方圓適中有牆壁可窺寔顏書中別成一種書畫跋云字必帶俗乃入時眼真知言哉

唐故雲麾將軍左龍武軍將軍彭城劉公墓誌銘

天寶十二載

右劉感墓誌銘亦近時關中新出土者李震撰席彬書按新唐書開元初太平公主及岑羲蕭至忠竇懷貞謀反伏誅感當于是時從討立功進封彭城郡開國公故云我皇撥亂之開元公提劍以從羣兇泥首也

東方先生畫贊碑陰記

天寶十三載十二月

右東方先生畫像贊碑陰記在山東德州與畫贊表裏刻之碑立于天寶十三載是魯公拜郡後一年再明年則祿山反河朔盡陷惟魯公在平原城守俱備溯其書碑立石年月正公陽會文士飲酒賦詩之時也碑中所謂殿中侍御史平公洌及閻李宋諸人咸以河北採訪使巡按狹至者即祿山所使偵探之人也是碑可以想見公之風采矣

唐故雲麾將軍行右龍武將軍上柱國開國侯南陽張公墓誌

銘

天寶十四載二月

右張安生墓誌銘在陝西西安府碑中韋氏竊權殘我王室提劍直入再清京北云云指元宗誅韋氏睿宗即帝位之事大唐光天大聖文武孝感皇帝敬无垢淨光寶塔頌

至德二年

右范陽郡憫忠寺碑在京師前門外今名法源寺此史思明為頌元宗而立也撰文者為張不矜蘇靈芝書丹

告華嶽文

乾元元年

右告華嶽文在陝西華陰縣西嶽廟中與盧朝徹謁嶽廟文
同一石此在上方韓賞撰韓擇木書按擇木為昌黎伯同姓
叔父歷官工部尚書散騎常侍然新舊書皆無傳杜少陵詩
所謂尚書韓擇木騎曹蔡有鄰是也唐代工八分者甚多惟
兩公之名最著

有唐故中大夫使持節壽州諸軍事壽州刺史上柱國贈太保

郭公廟碑銘 廣德二年

右郭敬之廟碑在陝西布政司署即汾陽王子儀之父也碑
陰字略小歷叙其子及孫曾三世官爵較新舊書為詳子儀
本傳云廣德二年十一月以子儀為尚書令上表懇辭答詔

不久家廟之建即是時也王虛舟謂此碑雍容朗暢與魯公
自書告身筆法相同今觀是碑實在告身上也

大唐故光祿卿王公墓誌銘 大歷二年八月

右王訓墓誌銘撰文者為秘書監嗣澤王德按宗室世系表
德者義珣之子也碑云祖同皎皇光祿卿駙馬都尉贈太子
少保尚定安長公主則訓為王同皎之孫矣訓亦娶嗣紀王
鐵城之女尋逝而又尚博平郡主則同皎本傳所不載也

唐故張禪師墓誌銘 大歷三年

右義琬禪師墓誌銘在河南洛陽乾元寺無書撰人名碑云
大歷三年二月汾陽王表請賜號大演禪師按郭子儀本傳

載是年三月子儀還河中則二月方自涇陽入朝宜有表請
之事與史合也

唐故左武衛郎將河南元府君夫人滎陽鄭氏墓誌銘 大歷四年十一月

右元鏡遠夫人鄭氏墓誌銘諸家著錄所無金匱錢明經俊
選有此榻本

唐故右武衛將軍贈工部尚書上柱國上蔡縣開國侯臧公神
道碑銘 大歷五年

右臧懷恪神道碑在陝西三原縣按懷恪積官至右武衛將
軍封上蔡縣侯其兄懷亮至左羽林大將軍有子七人咸顯

而希讓至尚書節度使魯國公父子兄弟勳賢間出自天寶
距于開元乘朱輪而拖珪組者數十人可謂盛矣而新舊書
俱不為立傳何耶顏公此書與元靖家廟諸碑相等而獨秀
挺少雄傑之勢亦刻手優劣之殊也

顏魯公和清遠道士詩 大歷五年

右顏魯公書清遠道士詩并和作一首在蘇州虎邱山舊有
石今不存偶見浙中有重刻本偽作也茲從舊本臨模尚可
彷彿萬一案新唐書魯公本傳魯公受元載謗在大歷之初
正公以檢校刑部尚書時也

有唐撫州南城縣麻姑山仙壇記 大歷六年四月

右麻姑仙壇記在江西建昌府南城縣魯公書此記有大小二本前人論之詳矣余為大字是魯公原刻其小字者則宋人臨撫縮本也魯公平生書碑所見者不下三十餘種大皆徑寸千祿字書為最小亦非蠅頭書且諸碑皆書官位雖論坐稿亦然而此無之黃山谷嘗言小字麻姑壇記是慶歷中一學佛者所書又郡守李雁山跋謂近溪羅大叅家尚有褚河南虞永興歐陽率更薛稷柳河東李北海諸小楷則此本出此僧臨撫無疑其大字本有魯公銜名則原刻也

大唐中興頌

大歷六年六月

右中興頌在湖南永州府祁陽縣磨崖字徑五六寸許瑰奇

雄偉魯公傑作新唐書元結傳上元二年拜荊州長史澧朗峽忠等五州節度史則次山之為荊南節度判官亦在其時至大歷六年夏六月始刻諸石時魯公官撫州刺史皆與史傳合

唐少林寺同光禪師塔銘

大歷六年六月

右同光禪師塔銘郭湜撰僧靈迅書後有造塔弟子十二人及刻人屈集臣造塔博士宋玉等名

有唐宋州官吏八關齋會報德記

大歷七年

右八關齋會報德記在河南歸德府南門外上有亭覆之國初碑尚完好近下截皆剝蝕無餘字矣按此記為河南節

度使田神功寢疾宋州刺史徐向等為禳祈報恩而立續文
獻通考會昌五年上惡僧尼耗蠹天下凡毀寺四千六百餘
區此碑當時亦在毀內是記大中五年郡守崔倬重刻而非
補書也故筆法但其形模非復魯公之雄傑矣

有唐故容州都督兼御史中丞本管經略使元君表墓碑銘

大
歷七年

右容州都督兼御史中丞本管經略使元君墓碑在河南魯
山縣學碑四面刻與元靖家廟碑式相同碑載魯公文集頗
有異同或傳抄之誤也碑不載年月據魯公行狀稱大歷七
年除湖州刺史當在其時

黃石公祠記碑陰

大歷八年七月

右黃石公祠記在山東東阿縣穀城山下記為趙郡李卓撰
此特其碑陰耳文書八分而末一行書人姓名則作篆書唐
碑中亦不多見

吳興沈氏述祖德記

大歷八年十二月

右顏魯公書沈氏述祖德記在湖州德清縣羗山之陽石已
不存茲從舊榻縮臨正魯公行湖州刺史時書也

千祿字書

大歷九年

右千祿字書魯公刺湖州時書是編勒石至開成間石已殘
闕宋孫莘老嘗取以置墨妙亭者是也歐陽集古錄所載有

楊漢公本者乃重模此外尚有蜀本刻于紹興壬戌有楚本刻于寶祐丁巳國朝揚州馬曰璐又得宋槧本翻刻之其中用筆結體不過略存面目而唐韻之淆雜無從是正蓋由傳模失真以訛傳訛耳案新唐書魯公以元載謗出為撫州刺史旋改湖州令字書之末尚有大歷九年一行正其時也竹山連句題潘子書堂大歷九年三月

此刻始見於真定梁相國家秋碧堂帖有米友仁題跋墨蹟也後為畢秋帆尚書得之濟南蘇州俱有重刻本

大唐真化寺多寶塔院故寺主臨壇大德尼如願律師墓誌銘

大歷十年七月

右如願律師墓誌在長安沙門飛錫撰隴西秦昊書碑云師諱如願俗姓李氏隴西人申公之裔必是宗室之女也僧尼之化稱薨於此僅見

有唐茅山玄靖先生廣陵李君碑銘大歷十二年

右茅山元靖先生廣陵李君碑在江南句容縣茅山玉晨觀顏真卿撰並書原碑已闕僅存者二十三片乾隆末年嘉定錢竹汀宮詹游茅山訪得之語于汪稼門制府時制府方為蘇州太守乃札句容縣學官徐彬俞獻等搜訪殘碑督工椎搨而復以宋搨舊本補綴完全然與原刻有霄壤之隔矣右司禦率府負外置同正負張令曉大歷十四年七月

右張令曉告虞山蔣氏曾刻入敬一堂帖其行文較張曲江
顏魯公朱巨川諸告又是一種格式可知一代中已屢為更
變况後世耶

唐故通議大夫行薛王友柱國贈秘書少監國子祭酒太子少

保顏君廟碑銘

建中元年

右顏君廟碑乃魯公為其父立廟而建碑以紀之也宋初太
平興國七年有都察院孔目官李延襲于郊外得之移載府
城重立今在西安府學者即此碑四面刻俗謂之四面碑按
魯公書是碑在建中元年時公年七十二且係家廟之文故
莊嚴端謹筆筆皆有法度與他碑不同如自書告身亦同是

年書而氣韻迥別也

顏魯公自書告

建中元年八月

右顏魯公自書告身有墨蹟在尹文端公家袁簡齋太史所
親見也董華亭宗伯曾刻入戲鴻堂帖梁蕉林相國曾刻入
秋碧堂帖

唐大興善寺故大德大辯正廣智三藏和尚碑銘

建中二年

右大興善寺三藏和尚碑在西安府嚴郢撰徐浩書不空以
一胡僧而官至特進大鴻臚開府儀同三司肅國公謚美季
海書法魯公而秀潤過之又在歐虞褚薛顏柳諸公之外自
成一家蘇文忠趙文敏皆用其法

朱巨川告 建中三年

朱巨川告有二其一為徐季海書此為魯公書後有鄧文原
喬篔成陸完三跋文氏嘗刻入停雲館帖

大唐涇王故妃韋氏墓誌銘 建中三年二月

右涇王妃韋氏墓誌銘翰林學士張周撰案唐書宗室傳涇
王侔為肅宗第七子興元元年薨妃之祖湜父昭訓皆見宰相
世系表

吳嶽祠堂記 興元元年

右吳嶽祠堂記在陝西隴州西鎮吳山廟中殿中侍御史于
公異撰太子正字冷朝陽書紀興元元年十月十一日西平

郡王李晟祀吳山之事公異吳人建中末為李晟招討府掌
書記者新舊唐書俱有傳

唐故鴻臚少卿張君墓誌銘 貞元十年

右張敬詵墓誌河東薛長儒撰敬詵以鴻臚少卿為河南尹
裴諳命為押衙卒而葬于洛陽也永貞元年有張夫人樊氏
墓誌即其配也

蜀丞相諸葛忠武侯新廟碑銘 貞元十一年正月

右武侯新廟碑在陝西漢中府沔縣沈迴撰元錫書是碑為
近人劉鑿如蒙燿曲磨等字當從明搨本為是武侯墓在沔
縣十里定軍山下舊廟即在墓前今云新廟者在城南五里

是貞元十一年所建也

嵩山會善寺戒壇記

貞元十一年七月

右會善寺戒壇記在河南登封縣陸長源撰陸郢八分書案
長源吳人新唐書有傳陸郢善分書見趙氏金石錄

大唐河東鹽池靈慶公神祠頌

貞元十三年八月

右河東鹽池靈慶公神祠碑在山西解州安邑縣崔敖撰韋
縱書案唐書大歷中淫雨壞河中鹽池味苦惡時韓滉判度
支慮減常賦詭言池生瑞鹽王德之美祥代宗疑之命蔣鎮
馳驛按視鎮欲結滉故實其事表置祠廟賜池號曰寶應池
神曰靈慶公則崔敖此文非紀實也韋縱書學顏魯公此尤

酷模減懷恪元次山諸碑當為貞元中書法第一

唐國師千福寺多寶塔院故法華楚金禪師碑

貞元二十一年

右楚金禪師碑即在多寶塔碑之陰沙門飛錫撰翰林學士
吳通微書賈氏譚錄言通微為學士工行草書中州士大夫
皆效習之謂之院體是從集王聖教序鎔化而出晚唐人書
皆以此為藍本不止蘇靈芝一人而已

唐故雲麾將軍河南府押衙張府君夫人上黨樊氏墓誌銘

永

貞元年

右張君夫人樊氏墓誌銘在河南洛陽沙門至咸撰按此誌
序述樊氏即前鴻臚少卿張敬詵之夫人惟所述與前誌互

異詳玩兩誌蓋張氏哀落長次兩子皆夭亡季子叔齊尚幼不能詳具事實惟憑長女就所記憶而述之且撰者又是沙門故牴牾舛錯一至於此無足稱論也

蜀丞相諸葛武侯祠堂碑

元和四年

右蜀丞相諸葛武侯祠堂碑在四川成都府城外丞相祠堂裴度撰柳公綽書案史武元衡以宰相出鎮西川時裴中立柳子寬皆為幕僚同在帥府碑建于元和四年正與史合原刻久已不存此明成化間重樅本與文苑英華唐文粹所載頗有異同成都遭張獻忠之亂煨燼無餘是碑歸然獨存真有神物護持耶

大唐故鴈門郡解府君墓誌銘

元和五年

右故雁門郡解府君墓誌在山東孟縣學宮案縣志舊在縣城西五里紫金山有席姓購得之是近時新移立學宮者

保唐寺毗沙門天王燈幢贊

元和七年

右燈幢贊在陝西咸寧縣柳徹撰書按盧宏正記云毗沙門天王者佛之臂指也左握吳鉤右持寶璫將以摧群魔護佛寺開元元和間凡梵宮佛刹俱崇奉之

唐故興元元從正議大夫行內侍省內侍知省事上柱國賜紫

金魚袋贈特進左武衛大將軍李公墓誌銘

元和十年

右李輔光墓誌銘在陝西咸陽縣東北五十里高陵界王氏

園中崔元略撰巨雅書巨雅即元略之弟故不復書姓也按
輔光以內侍而有夫人輔氏亦高力士娶呂元晤女李輔國
娶元曜女之比而云生四子則甚可異也咸陽縣志載此碑
之出值涇河南岸崩摧擁水絕流者三日銘文所謂水竭原
遷斯文乃傳此言竟驗亦奇矣哉

南海神廟神王廟碑

元和十五年

右南海神廣利王廟碑在廣東南海縣海神廟韓愈撰陳諫
書新舊唐書韓愈傳元和十四年正月上令中使迎佛骨愈
上疏諫憲宗怒貶為潮州刺史上表謝上欲復用之而皇甫
鑄惡愈請量移一郡乃授袁州刺史則昌黎之撰是碑蓋已

到袁州矣陳諫無書名由河中少尹遷循州刺史而終名附
王伾傳中

皇甫湜浯溪詩

元和十五年

右皇甫侍御浯溪詩在湖南永州府祁陽縣題於顏魯公中
興頌磨崖之後按新唐書湜字持正在至工部郎中其官侍
御史內供奉傳所不載持正在元和間最有文名石刻中有
此一詩亦可寶也

邠國公功德銘

長慶二年

右邠國公梁守謙功德銘在西安府學宏農楊承和撰并書
按守謙子興唐寺寫經為國祈福而護軍中尉楊承和為銘

之書而刻石者也承和亦閩人乃能通文辭工書法恐是當時文士為之耳書宗歐陽率更稍兼褚法當為唐碑佳刻

唐故太尉兼中書令西平郡王贈太師李公神道碑銘 大和三

年

右西平郡王李公神道碑在陝西高陵縣本祠裴度奉勅撰柳公權奉勅書西平功蓋天下晉公撰誠縣書洵足炳耀千古惟文較本傳頗簡略且多互異而誠縣此書亦頗異平時勁悍豈經後人剗鑿耶抑重模耶竊謂此文若出昌黎手此刻若經邵建和建初手則更助精采耳

故右內率府兵曹鄭君墓誌銘 大和四年

右率府兵曹鄭準墓誌文中所稱蘇州之華亭縣義興縣之洞庭鄉今華亭屬松江府洞庭屬蘇州府皆與唐時不合

唐故奉義郎試洋王府長史濮陽吳府君墓誌銘 大和四年十

月

右吳達墓誌銘在西安府鄉貢進士寇同撰按碑達累試洋王府長史優游墳典怡性林園庸言庸行無足稱述者關中金石志嘗載之

唐故內供奉翻經義解講律論法師詔空和上塔銘 大和七年

八月

右詔空和尚塔銘京兆田復書大和七年八月比邱智亮從

一法源超秀等十五人建碑云起塔于畢原在今長安縣西南里許

唐故楚州兵曹參軍劉府君墓誌銘 大和八年十一月

右劉峯墓誌峯以大和八年七月卒兄弟遠隔嗣子歡郎年幼子壻楊姓為刻墓銘亦萃編之所未載

大唐潤州句容縣大泉寺新三門記 開成三年

右大泉寺新三門記在鎮江府句容縣鄉貢進士姚暮撰沙門齊操書王蘭泉司寇云碑文殊庸陋姚暮雖進士而出于鄉貢不離乎鄉者也

唐故左街僧錄內供奉一教談論引駕大德安國寺上座賜紫

大達法師玄秘塔碑銘 會昌元年

右元秘塔碑銘在西安府學裴休撰柳公權書按舊唐書本傳休善為文長於書翰家世奉佛尤深釋典柳公此書所謂快劍長戟斬金截鐵者當為一生傑作

銀青光祿大夫平章事李紳告 會昌二年二月

右李紳告行書見淳熙秘閣續帖後有宋高宗御製跋云此告嘗為偽蜀李昊所得並載其事甚詳昊自言紳之後也後有復古殿書款當為御府之物故刻入續帖耳

唐處士包公夫人墓誌銘 會昌三年

右處士包公夫人墓誌近年杭州城外靈隱山中掘土得之

誌稱包公而不載其名字亦作文者之疎略也

唐故汝南周君墓誌銘

大中二年十月

右周文遂墓誌近時著錄家俱未載文云終于天長之私館終字作歿此碑僅見

唐故圭峯定慧禪師傳法碑

大中九年

右圭峯定慧禪師傳法碑在陝西鄠縣草堂寺裴休撰并書題額則柳公權也歐陽集古錄謂此碑文辭事蹟無足採者特書法為世所重直接歐陽率更而道媚過之休嘗于書藏經五百函序諸疏論觀此則裴相不特博綜釋教其於書道亦深矣

唐故劉氏太原縣君霍夫人墓誌銘

大中十年

右霍夫人墓誌銘在河南孟縣彭王府諮議參軍周遇撰碑中所志其夫彭城郡開國公劉而無名號為銀青光祿大夫行內侍省內侍知霍乃宦官之妻而三子者亦皆假子也文溢美過甚無實可紀存之以備見聞

唐故軍器使內寺伯賜紫金魚袋贈內常侍袁公夫人太原郡

夫人王氏墓誌銘

大中十四年四月

右內常侍袁公夫人王氏墓誌案唐代寺人俱娶夫人萃編已極論之袁公乃一娶再娶尤可笑也此碑略帶行筆近亦罕見

唐故集賢直院官榮王府長史程公墓誌銘 咸通 年

右程修已墓誌亦關中近時新出土者修已名見唐志開成中文宗命集賢院修撰程修已繪毛詩草木蟲魚圖二十卷又名賢畫錄云大和中文宗好古重道以晉明帝朝衛協畫毛詩圖不得其真召修已圖之皆據經定名任意采掇由是冠冕之製生植之姿遠無不詳幽無不顯據此則修已所圖者不止草木蟲魚也元夏士良圖繪寶鑑亦載其名云其先為冀州人時周昉任越州長史修已師事之今志云修已嘗曰周昉傷其峻張太府傷其澹畫之其惟韓幹乎詳其文義似未必周之弟子也撰文者為鄉貢進士溫憲憲即溫大雅

之五世孫造之子文中稱修已性夷雅疏澹白皙美風姿詞人李商隱嘗從公遊可想見其為人矣

將仕郎權知幽州良鄉縣主簿范隋告身 咸通二年

右范隋告身吳門范氏義莊有刻石其墨蹟尚存即文正公高祖也

窳堵波塔銘 咸通五年

右窳堵波塔銘在陝西咸陽縣布衣高墉述并書按元應一切經音義云窳堵波即塔也此云窳堵波塔是唐人不知梵語音義者為之說文無塔字惟見葛洪字苑蓋塔者佛堂也音他合反與荅聲相近本當作荅後人妄加土旁而稚川承

之耳

唐故內莊宅使銀青光祿大夫行內侍省內侍負外置同正負
上柱國彭城縣開國子食邑五百戶賜紫金魚袋贈左監門
衛大將軍劉公墓誌銘 咸通九年

右劉遵禮墓誌銘劉瞻撰崔筠書近時關中新出土者筆法
方勁絕似柳誠懸元秘塔碑亦邵建初所刻也

錢武肅王鐵券

乾寧四年

右昭宗乾寧四年賜錢武肅王鐵券世藏浙江台州府臨海
縣自宋元明以來世藏錢氏新舊五代史皆載之按券之制
其形如瓦文凡三百三十三字蓋鎔鐵而成鏤金其上者也

自軋寧至今一千二百餘年錢氏子孫尚能世守亦賢矣哉
乾隆二十七年 高宗純皇帝南巡其裔孫刑部尚書陳羣
曾以進呈 乙覽 御製詩歌傳為盛事梅溪為武肅三十
世孫故臨此以殿諸碑之末云

呂覽有言善學者如食雞必食其跖數千而後足唯書亦然
多看以取其意多寫以會其神如是而已梅溪洵解人哉
東坡有骨肉血之說予釋之曰骨筆也肉墨也血貫骨肉之
間氣也梅溪秀骨天成風神絕世再加意於墨法當更得右
軍靈和之致何如何如壬戌之秋九月山舟梁同書
錢君梅溪隸法直入漢人之室行楷亦於晉唐人三折肱矣

此二卷所臨唐碑以十數天資高妙形神並得洵可愛也余謂論書者輒曰晉唐然由晉而唐其間魏齊隋碑存者甚多余志山左金石於魏齊尤為留意如韋子深高湛刁遵諸碑刻石不知為何氏所書而卓然大家實為虞褚歐陽所從出也故予謂讀經當知徐遵明崔靈恩等為孔穎達陸德明所從出論書當知高湛等碑為虞褚諸家所從出也錢君曷訪之德州孫淵如觀察得六朝碑字再寫之更取法于晉之後唐之前豈不大脩哉阮元跋

芸臺中丞此言為唐楷溯原予曩者頗持此論因附識於此正與梅溪隸法足相證也蓋唐楷皆祖右軍而右軍實原於

周岐陽十鼓及漢人分隸今就漢隸以求唐楷之正脈則韓勅碑褚也孔宙碑雲也鄭固碑歐也魯峻碑顏也若合六朝諸家以求津逮則虞法惟智永千文而已歐法雖有姚秦金像銘特出宋人重刻已非真跡獨孔廟北齊乾明元年碑殘泐之餘存者僅百許字而篆隸正楷之法具脩愚意直欲斷定此碑是北齊三公郎中劉珉所書也褚法源遠流長指不勝屈以愚所見無過於龍門山磨厓古驢方序常醜奴墓志二種矣而梁上清真人許長史舊館壇碑何義門徐壇長皆目見之今在誰氏篋中此樸溪尊兄所宜寤寐求之者也附系於此以申禱切嘉慶乙丑夏五月望前一日翁方綱

芸臺中丞見梅谿二兄所臨唐碑縮本屬訪余德州求六朝刻石再摹之去年得北魏高貞碑於衛河第三屯正思榻寄梅谿適以今年七月晦日過我又閱所摹各碑益服其精妙惜無好事者為之刊石因話及在安德曾見縮本蘭亭聖教序十三行諸本小石刻前有仇十洲為王元美寫小象知是弇州藏本購之未得又以宋人寫本鍾鼎款識與梅谿共觀中有石鼓文字完備乃知楊升菴所見李賓之家十鼓全本並非偽造亦擬臨摹上石再附記於左以識勝賞嘉慶十年秋夕孫星衍書

古人書法不同用筆則一得筆則清奇穠澹各極其妙不必問其似不似也梅溪臨書其得此意乎聊識數字歸之鐵保唐楷追晉法推化度九成廟堂三碑此趙子固所評實千古定論也山谷謂張長史郎官石記序唐人正書無出其右此語特為世人專賞長史艸書而發耳非必謂冠唐楷也弇州乃真以為化度九成皆為之退避三舍其信然耶郎官記真宋拓海內止有一本即弇州昆仲跋者今為宋芝山所收藏棋溪尊兄試往觀之雖具晉人神理究當居此三碑之次耳嘉慶乙丑夏仲方綱

昔人言法上得中世之言書者於宋則曰蘓黃蔡米四家四家皆從唐人出而追蹤乎右軍僅學四家書未見其有當於

四家也雖然學唐人書果即有當於唐人耶余嘗謂平原率更從隸出誠懸則得訣於篆梅溪固深於篆隸者宜其臨唐人書無不神肖也願與世之深於書者共證之榕臯潘奕雋記

此卷名為縮本而筆勢寬展有餘米元章所謂小字如大者梅溪得之矣嘉慶丁卯暮春平階清安泰觀并識

嘉慶丁丑端陽日韓城師亮采禹門錢唐王豫康吉甫仁和單壽昌松年祿昌藹臣蕪湖金鐸葉山錢唐陳鴻壽易生同觀於清江浦之春暉書屋體大思精無不歎為偉觀也易生

題記

余自幼喜臨唐碑顧以抗塵走俗未能專精於此今楛溪先生以縮臨唐碑諸卷見示收鉅觀於細楷含晉韻於唐法真能取其神髓余家藏安素軒所藏為之減色矣嘉慶二十三年歲次戊寅夏五月二十五日讓齋鮑崇城拜觀并識

寫經樓金石目錄跋

先君子束髮受書即好隸古之學又好金石碑版之文後承當代名公延聘游幕四方書丹勒石見諸碑版者名目不下數千百種先君子視之如雲煙過眼未嘗一一誌之也迨八旬後始舉生平所代人書或自書者金樂石之目畧做王蘭泉司寇金石萃編之例命祥次而錄之訂為若干卷弄諸家塾中亦未暇奉付梓也易箒時忽命祥曰余一生為大人先生所器重者半由邃於金石之學也汝其謹守之祥涕泣承命爰取舊時所錄者命工刊之顏其名曰寫經樓金石目此外尚有散見四方未知名目者擬再訪求付諸續刻祥自慚譎陋未能仰紹前徽亦惟是謹奉遺言用敢失墜云尔道光二十

卷之三